

续宏简录





續弘簡錄元史類編卷三十五

皇清詹事府少詹事仁和邵遠平戒山學

文翰一

楊奐 楊果 牟應龍 鄭淦孫 危復之附何 陸文圭

附梁 姚燧 趙孟頫 陳孚附馮 韓性 鄧文原

戴表元 李之紹 貫雲石 海涯 楊載附楊 元明善

虞集弟槃 范梈 揭傒斯 周仁榮附孟 宇文公諒

李洞 曹鑑 黃潛 柳貫 吳萊 歐陽玄 陳旅附

文 陳 劉詵附龍仁夫 李孝光 孫轍附吳 杜本 張樞

繻天爵 貢師泰 周伯琦 張翥 朱震亨 李杲

楊奐字煥然乾州奉天人人生之夕母夢東南日光射其身夢

神人授之以筆其父謂文明之象因名曰奐金末舉進士不中

歸而設教鄉里

元好問墓碑云年十一丁內艱日蔬食誦孝經為課人以天至稱又五年師鄉先生吳榮叔未

幾賦業成即有聲塲屋典定辛巳下第同舍生勸試補臺掾與

答書曰先大人每以作掾為諱僕無所似肖不能顯親湯名敢

始泉下之憂乎一統志云元初隱居

鄂縣講道授徒學者稱為紫陽先生

冠氏帥趙壽之延致待以師禮門人有自京師載書來者因得

聚讀東平嚴實聞奐名數問其行藏奐終不一詣太宗詔宣德

稅課使劉用之試諸道進士奐試東平兩中賦論第一從監試

官北上以中書令耶律楚材薦授河南路徵收課稅所長官兼

廉訪使奐自著還山集云歲巳酉中書耶律公以軍國大計舉

豐歉察息耗以平歲入聽中書省總之開創伊始制度未遑天

下郡縣猶以財賦自贍不重其權則無以剋其弊故吏汚濫得

廉糾刑賦舛錯得釐正

之止在吏許自辟以從

將行言於楚材曰僕不敏誤蒙不次之

用以書生理財賦已非所長况河南兵荒後遺民無幾烹鮮之  
喻正在今日急而擾之糜爛必矣願假以歲月使得撫摩瘡

為朝廷愛養其本楚材甚善之既至一以簡易為政按行黨

親問監務月課幾何有以增額進者遽責之曰剝下欺上汝欲

我為之邪即減元額四之一公私稱便在官十年乃請老于濠

之行臺世祖在潛邸驛名與叅議京兆宣撫司事碑云累上書乃得請隱居

鄉郡築室日歸來為佚老之所年七十疾篤處置後事如平時引觴大笑而卒

碑云敕家人吾且死勿以二氏齋醮貽識者笑賜諡文憲與博覽強記作文務去陳言

以蹈襲古人為耻朝廷諸老皆折行輩與交關中號多士名未

有出與右者所著有還山集六十卷大典近鑑三卷正統書六

### 十卷行世

楊果字正卿祁州蒲陰人宋末徙許昌以章句授徒為業流寓

轍軻十餘載登金正大中進士叅政李蹊行大司農于許昌果

以詩送之蹊大稱賞歸言於朝用為偃師令俄調蒲城及陝皆

劇縣所到以廉幹稱金亡果閒廢久會楊奐徵河南課稅辟爲  
經歷未幾史天澤經畧河南復用爲叅議時兵革之餘法度草  
創果藹宜贊畫民賴以安世祖中統元年命爲北京宣撫使明  
年拜叅知政事與左丞姚樞等日赴省議事尋出爲懷孟路總  
管以老致政卒于家年七十五諡文獻果性明敏美丰姿工文  
章尤長於樂府善諧謔聞者絕倒有西庵集行世

牟應龍字伯成其先蜀人後徙吳興祖子才仕宋爲國學博士

諡清忠

虞集墓碑云子才以言事忤時宰鄭清之去國抵吳興寓第而應龍生子才喜字曰翁歸

父讞爲大

理少卿

應龍作王應麟小學紺珠序自云大父第故宋嘉定癸丑進士父數典銓曹

應龍幼警敏爲

文有渾厚氣當以任子補京職盡讓諸從弟而自業舉子成咸

淳初進士時賈似道當國欲邀一見處以高第應龍拒不往及

廷對極言上下情隔國勢危急狀考官不取寘上第除光州定



城尉應龍曰昔吾祖對策以直言忤史彌遠得洪雅尉今固當  
爾無媿也沿海制置司辟爲屬以疾辭宋亡故相留夢炎位冢  
宰以書招之曰苟至翰林可得也亦不答已而起家教授溧陽  
州晚以上元縣主簿致仕初宋亡時獻已退不仕一門父子自  
爲師友討論經學於諸經皆有成說惟五經音攷盛行於世應  
龍爲文長於敘事時求其文者車轍滿門人擬之眉山父子學  
者稱曰隆山先生

鄭滌孫字景歐處州人宋景定間進士爲禮部郎官至元三十  
年有以滌孫名薦者世祖名見授集賢直學士尋遷侍講學士  
卽致仕歸弟陶孫字景潛亦宋進士監西嶽祠先滌孫徵至闕  
奏對稱旨授國史院編修官纂修宋史至德祐末年事陶孫曰  
臣嘗仕宋宋是年亡義不忍書世祖嘉之轉應奉翰林文字兄

弟在當時最號博洽學士大夫翕然推重隆福宮以其兄弟皆前朝上特製衣親賜之人以為異遇滁孫所著有太易法象通贊周易記玩等書陶孫有文集若干卷

危復之字見心江西撫州人宋末為太學生師事湯漢博覽羣

書好讀易尤工於詩世祖至元初元帥郭昂屢薦為本路儒學

官不就後朝廷累遣奉御察罕及翰林應奉詹玉以幣徵之皆

弗起終隱紫霞山中學者私謚貞白先生同郡何中字太虛

一統志云宋末舉進士少穎拔以古學自任家有藏書萬卷手自校讎日

與門弟子講經義其學弘深該博江西行省全岳柱聘為宗濂

書院山長所著有易類象書傳補遺通鑑綱目測海及知非堂

稿支願錄諸書何中自序彙前有通書問叶

止文圭字子方江陰人少穎悟博通經史百家宋咸淳初以春

中鄉選年滿十八宋

隱居城東學者稱曰墻東先生延祐

設科有司強之就試凡

再中鄉舉爲文融串經傳縱橫變化

莫測其涯際東南學者宗

之朝廷數遣使馳聘以老疾不行卒

年八十五性高邁以奇氣自負於地理考覈尤詳凡天下郡縣

沿革人物土產悉能默記如指掌先屬續一呂語門人曰以數

考之吾州二十年後必被兵吾死當塋不食之地勿封勿樹使

人不知吾墓所在庶無暴骨患其後江陰亂冢盡發人服其先

知著墻東類彙二十卷

同里梁益字友直博洽經史工文辭

其教人以變化氣質爲先學徒不遠千里從之自文圭既卒浙

西稱學術醇正者惟益而已所著有三山彙詩緒餘史傳姓氏

纂又有詩傳旁通等書深得朱子之學

姚燧字端甫平州柳城人左丞樞之從子也生三歲而孤樞育

之方隱居蘓門山謂燧蒙闇敎督之過急燧不能堪楊奐止之  
 曰燧令器也長自有成何急為且許醮以女年十三見許衡於  
 蘓門十八始受學時未嘗為文視流輩所作惟見其不如古人  
 心弗是也二十四始讀韓退之文試習之人謂有作者氣世祖  
 至元七年衡為祭酒奏召舊弟子燧自太原驛致館下初為秦  
 王府文學未幾兼提舉陝西學校以秦王命安輯庸蜀凡三使  
 蜀皆稱職再遷翰林直學士改大司農丞成宗元貞初總裁世  
 祖實錄書成授江東道廉訪使理學宗傳作江  
西行省叅政移病寓太平仁  
 宗居藩邸開宮師府燧年已七十遣正字呂洙如漢徵四皓故  
 事起為太子賓客尋拜太子少傅辭曰昔臣伯父樞嘗除是官  
 尚不敢拜臣何敢受改翰林學士承旨逾年得告南歸卒年七  
 十六諡曰文初燧居蘓門時讀通鑑綱目嘗病國統散於逐



不能一覽得離合之槩及告病江東著國統離合表年經國緯

如史記諸表將附朱熹凡例後復取徽建二本校讐得三說焉

序於表首為文閎肆該洽豪而不宕剛而不厲春容盛大有西

漢風當時有欲闡揚先德者必求燧文多以不得為媿每來謁

文必其行業可嘉然後許辭無溢美又稍廣置燕樂則為之喜

而援筆疾書否則弗易得也書史會要云燧以文章名海內書宗頗素高麗瀋陽王

父子連姻帝室傾貲結朝臣一日欲求燧詩文靳不與至奉旨

乃與之王致謝幣帛金玉五十筐燧即分散諸官屬及史胥侍

從以金銀付翰林院為公用器或問之燧曰彼藩邦小國唯以

貨利為重吾能輕之使知大朝不以是為意燧頗恃才輕睨趙

孟頫元明善輩所著有牧庵文集五十卷輟耕錄云燧在中臺時忽御史大夫謂曰

天子以汝賢故擢居耳目之官今且歲餘典利除害事未有片言相及惟以舉薦為務何耶燧曰某所薦百有餘人皆經世才

其在中外並能上裨聖治則某之報效亦勤矣何屑屑與利除  
害為按本傳不言燧為中臺御史亦不詳薦舉事又云燧為  
翰林學士承旨日玉堂設宴歌妓羅列中有一人秀麗閒雅微  
操閩音燧問其履歷初不以實對叩之再泣日妾乃建寧人氏  
父官朔方祿薄不足以給侵貸公帑無償遂流落至此燧命之  
坐遣使詣丞相三寶奴請為落籍丞相素敬燧意燧欲之即令  
教坊除籍燧得報語一小史日我以此女為  
汝妻女即以我為父史忻然京師傳為盛事

冊曰華文覈實諛墓寧譏名聞外裔不為利移才行兼美  
實為世師方之謝氏遇末同歸

趙孟頫字子昂

書史會要云  
號松雪道人

宋秦王德芳之後五世祖秀王子

稱實生孝宗賜第湖州故孟頫為湖州人幼聰敏為文操筆立

就

名賢錄云成進士為潤州錄事參  
軍元詩選云年十四以父蔭補官

宋亡絕意仕進益自力學

至元二十四年侍御史程鉅夫奉詔搜訪遺逸以孟頫入見神

采煥發世祖顧之喜命坐右丞葉李上或言宋宗室子不宜使

近左右帝不聽時方立尙書省命孟頫草詔帝覽之喜曰得朕

心所欲言矣會更造至元寶鈔帝令與議刑曹欲計贓罪滿至元鈔二百貫者死孟頫曰始造中統鈔時以銀爲本虛實相權及今二十餘年輕重相去不啻數十倍故改中統爲至元若謂至元鈔終無虛時寧有是理計鈔抵法疑太重古者以米絹民生所須謂之二寶銀錢與二物相權謂之二虛四者爲直雖升降有時終不大相懸也以絹計贓爲適中或以孟頫年少且初自南來輒妄議國法意頫不平孟頫曰法者人命所繫議有重輕則人不得其死矣孟頫奉詔與議不敢不言也是年六月授兵部郎中時至元鈔法果滯澁不行遣尙書劉宣與孟頫馳驛至江南問行省丞相慢令罪詔凡左右司及諸路官則徑加笞責孟頫受命往比還不管一人大忤丞相桑哥意有王虎臣者訴平江路總管趙全不法卽命虎臣往按其事葉李執奏不聽

孟頫進曰前虎臣守郡時多強買人田全數與爭今往必將陷

之縱得實人亦不能無疑帝悟乃遣他使桑哥當鐘初鳴時卽

坐省中六曹官後至者笞之不少貸一日孟頫後至斷事官遽

引受笞孟頫入訴於都堂右丞葉李曰古者刑不上大夫所以

養其廉耻教之節義且辱士大夫是辱朝廷也桑哥亟慰之使

出

續資治云孟頫行東鄉墻外道險馬跌墜于河  
帝聞之賜鈔五十錠命移築御墻稍西二丈許

二十七年遷

集賢直學士八月地震武平路尤甚地陷黑沙水涌出時帝駐

蹕龍虎臺遣平章阿魯渾薩理馳還召集賢翰林兩院官詢致

灾之由議者但泛引五行灾異言以修人事應天變爲對莫敢

語及時政先是桑哥遣其黨理算天下錢穀已徵者數百萬未

徵者尙數千萬民不聊生自殺者相屬孟頫素與阿魯渾薩理

善勸人奏於帝請下詔蠲除庶天變可挽帝從之詔已具桑哥



慙曰此必非帝意孟頫曰凡錢糧未徵者其人死亡已盡復何  
所從取不及時除免他日言事者倘以失陷錢糧數千萬歸咎  
尙書省豈不爲丞相累邪桑哥悅遂下詔民始獲蘓帝嘗問葉  
李留夢炎優劣對曰夢炎臣父執素重厚篤於自信好謀而能  
斷有大臣器葉李所讀之書臣皆讀之其所知所能臣皆知之  
能之帝曰汝以夢炎賢於李邪夢炎在宋爲狀元位丞相當賈  
似道誤國罔上夢炎依阿取容李布衣乃伏闕上書力詆似道  
其賢於夢炎甚遠汝以夢炎爲父友不敢直斥其非可作詩以  
譏之孟頫賦詩有往事已非那可說且將忠直報皇元之語帝  
益嘆賞孟頫退謂奉御徹里曰上論賈似道誤國責留夢炎不  
言今桑哥罪甚於似道而我輩不言他日何以辭其責侍臣中  
慷慨有大節又爲上所親信無踰公者夫捐一旦之命爲萬姓

除殘仁者事也公其勉之既而徹里果於帝前首發桑哥罪惡

會大臣亦有繼言者帝遂按誅桑哥

歐陽玄神道碑云後徹里語及斯事嘆曰使我有萬

世名者子昂之力也

孟頫自念久在上側必爲人所忌力請補外出同知

濟南路總管府事及修世祖實錄名還命書金字藏經既成除

集賢直學士仁宗在東宮知其名比卽位名爲集賢侍講學士

河間志云皇慶元年九月河間進嘉禾異畝同穎有一穗數莖者命孟頫繪圖藏諸秘府

延祐三年拜翰林

學士承旨帝嘗與侍臣論文學之士以孟頫比唐李白宋蘓軾

焉又嘗稱其狀貌跌麗操履純正博學多聞文詞高古書畫絕

倫旁通佛老之旨皆人所不及有問之者言國史不宜使孟頫

典其事帝曰趙子昂世祖所簡拔朕特優以禮貌置之館閣令

典司述作俾可傳後世此屬嗷嗷何也俄賜鈔五百錠謂侍臣

口中書每稱國用不足必持不與其以普慶寺別貯鈔給之孟

頰嘗累月不至宮中帝以問左右皆謂其年老畏寒勅御府賜  
貂裘一襲初孟頰以程鉅夫薦起家為郟及鉅夫以翰林學士  
致仕去孟頰代之先往拜其門而後入院尋得請南歸至治元  
年英宗遣使卽其家令書孝經明年六月卒追封魏國公諡文  
敏所著松雪齋集詩文清邃奇逸篆籀分隸真行草書無不冠  
絕今古有天竺僧數萬里來求其書歸國中寶之其畫山水木  
石花竹人馬尤精入神品史官楊載稱孟頰才頗為書畫所掩

知其書畫者不知其文章知其文章者不知其經濟人以為知

言輟耕錄云孟頰書法人但知自魏晉中來晚年則稍入李北海

法度闊至後方知為孟頰書其自題云僕廿年來寫千文以百

數此卷殆數年前所書當時學褚河南孟法師碑故結字規模

八分今日視之不知孰為勝也用君良卿于市中買得此卷持

來求跋為書其後因思自五歲入小學學書不過如世人漫學  
之耳不意時人持去可以粥錢而良卿又捐錢以購之皆可笑  
也又聞孟頰偶得米海岳書壯懷賦中闕數行因取刻本摹揚

以補其闕凡易五七紙終不如意乃  
子雍奕並以書畫知名

嘆曰今不逮古多矣遂以刻本完之  
書史會要云雍字仲穆官集賢待制工真行草篆篆法二李而

清勁有餘真行草皆得父傳孟頫常為幻住庵僧寫金剛經未  
及半而卒雍足成之其聯續處人莫能辨奕字仲光隱居不仕

工真行草書其合作者可與孟頫亂真  
圖繪寶鑑云雍畫山水師董源補妻管氏名道昇字仲姬吳興人善詞章作墨竹

尤善人馬遺  
筆意清絕亦能書仁宗嘗取其書合孟頫及雍書裝潢成帙識

以御寶命藏秘書監曰使後世知我朝有一家夫婦父子皆善  
書者兄孟頫字山齋書法宗二王弟孟頫字子俊官知州

主人物花鳥亦善書孫鳳字允文麟字彥徵皆雍子亦以能  
書名俱見書史

冊曰文為藝掩經猷誰識持正拒邪有裨邦國惜以楚材  
乃為晉川夢炎之論得無餘痛

承孚字剛中台州臨海人至元中以布衣上大一統賦江潮行



省聞於朝署上蔡書院山長老滿謁選京師世祖命尙書梁曾  
使安南選南士爲介朝臣薦孚博雅有氣節授翰林院編修官  
爲曾副至安南世子陳日燁以憂制不郊迎又不令由中門入  
曾致書詰責往復再三辭直氣壯皆孚筆也詳見梁曾傳使還除翰

林待制帝方欲賓之要地而廷臣以孚南人且尙氣頗嫉之調

建德路治中秩滿復請典鄉郡授台州路治中成宗大德七年

奉使宣撫循行諸道時台州饑道殍相望浙東元帥脫歡察兒

勢立威孚愬其不法蠹民事宣撫使按實坐其罪亟命發倉

賑救民賴全活者衆而孚亦以此致疾卒于家府志云贈臨海郡公諡文惠有

人游觀光玉堂交孚天材過人性任俠不羈爲詩文任意卽成

不事雕斲有文集行世輟耕錄云孚國初時嘗爲僧以避世變

上云我不學冠丞相地黃變髮髮如漆又不學張長史醉後揮

毫掃狂墨平生紺髮三千丈幾度和雲眠石上不令感時怒衝

冠天公罰作圓頂相肺肝本無兒女情亦豈惜此雙鬢青只憶  
 山間秋月冷搔首不見鬢鬆影父執見之曰此子欲歸俗也呼  
 來館穀之命養髮經半年餘謂曰吾將以女事汝孚辭謝既而  
 命寓他所遣媒灼行言擇日迎歸父執喜曰五馬入門矣孚還  
 挈家至京館 攸州馮子振豪俊與孚略同孚敬畏之自謂不  
 閣交章薦舉 可及嘗為詩譽桑哥且涉大言及敗即告詞臣撰碑引喻失當  
 陳孚發其姦狀帝曰詞臣何罪使以譽桑哥為罪則在廷誰不  
 譽之即朕亦嘗譽之矣子振於書無所不記當為文酒酣耳熱  
 命侍史二三人濡筆以俟據案疾書隨紙數多寡頃刻輒盡雖  
 美如簇錦而律之法度或乖人以此少之人且尚矣

韓性字明善紹興人其先家安陽高祖左司郎中膺胄扈從南  
 渡因家于越性天資警敏九歲通小戴禮作大義操筆立就及  
 長博綜羣籍自經史至諸子百家莫不究其根柢而於先儒性  
 理之說尤深為文博達儁偉變化不測自成一家言四方人士

受業其門戶外之屢嘗滿延祐初仁宗設科取士學者多以文  
格爲請性曰今之貢舉悉本朱熹私議爲貢舉之文不知朱氏  
之學可乎四書六經千載不傳之學自程朱二氏發明無餘道  
矣顧力行何如耳有德者必有言施之場屋其未嘗有他  
格哉凡經其口授指畫不爲甚高論而義理自顯不期文之士  
而不能不工以應有司之求未有不令繩尺者士有一善必爲  
之延譽不已及辨析是非則毅然有不可犯之色出無輿馬僕  
御所過負者息肩行者避道巷夫街叟下至童穉厮役咸稱之  
曰韓先生憲府嘗舉爲教官謝曰讀書砥行無愧古人足矣祿  
仕非所願也暮年愈自韜晦然未嘗忘情斯世郡守於政事有  
所咨訪輒從容陳利弊得失不稍遜門人李齊爲南臺御史力  
舉其行誼而性已卒賜諡莊節先生著禮記說四卷詩音釋書

辨疑各一卷郡志八卷文集十二卷

鄧文原字匪石四川綿州人後徙錢塘年十五通春秋宋末以流寓試浙西轉運司魁四川士世祖至元中辟爲杭州路儒學正成宗大德五年擢應奉翰林文字預修實錄尋授江浙儒學提舉仁宗卽位召爲國子司業科舉制行文原校文江淞慮士守舊習大書朱熹貢舉私議揭於門延祐四年遷翰林待制踰年出爲浙西道廉訪司事吳興民夜行爲邏者所執繫亭下其人遁去有追及之者刺其脇仆地明日家人得之歸比死問刺何如人曰青衣長身者家人懇於官問直初更者曰張福之使誣服械繫三年文原錄之曰福身不滿六尺未見其傷右脇而福素用左手傷宜在左鞫之果得真殺人者尋

移江東道先是徽寧廣德三郡歲入茶課鈔三千錠後立減引



增課法遂以十八萬錠為額竭山谷所產不能充其半有司皆  
派取民間時權茶轉運司得專制凡五品以下官並聽杖決州  
縣莫敢誰何文原請罷其專司俾郡縣兼領不報英宗至治初  
名為集賢直學士會地震詔議弭災法文原復申前議請罷權  
茶專司又不報明年兼國子祭酒以疾致仕歸屢召不赴卒年

七十一贈江湘行省參政諡文肅文原內嚴而外恕家貧而行  
廉初客京師有一書生病篤取橐中金屬文原歸遺其親既死

而同舍生竊金去文原買金償死者家終身不以語人有文集  
若干卷內制集若干卷藏于家

書史會要云文原嘗自題其居曰素履人遂稱素履先生為文  
精深典雅詩簡古而麗正行草書早法二王後法李北海  
海虞集云大德延祐間漁陽吳典巴西翰墨擅一代

戴表元字帥初慶元奉化州人七歲學古詩文多奇語稍長從

里師習詞賦輒棄不肯為登咸淳中乙科

一統志云為建寧教授 閔宋末

文氣萎薈而辭骯骯慨然以起衰爲已任時四明王應麟夫自  
舒岳祥並以文名海內表元皆從而受業故其學博而肆其文  
清深雅潔蓄而始發間事摹畫而隅角不露東南文章大家必  
推首焉元詩選云性好山水每策杖遊眺意倦輒止或自稱質野翁又號充安老人成宗大德八年  
除信州教授再調婺州時年六十餘矣以疾辭其後翰林集賢  
復以修撰博士交薦不起有剡源集行世

李之紹字伯宗東平平陰人幼從李謙學家貧教授鄉里學者  
咸集會修世祖實錄以薦授國史院編修官姚燧欲試其才凡  
館閣應酬文積十餘事併以屬之紹援筆立成燧驚喜曰可謂  
名下無虛矣聞母疾辭歸成宗大德六年除應奉翰林文字遷  
太常博士仁宗皇慶初由國子司業遷祭酒夙夜孳孳惟以教  
育人材爲念六年改翰林直學士復以疾還英宗至治初起爲

翰林待講學士踰年告歸卒年七十三紹性遇事少斷故號果齋以自勗有文集藏于家

貫雲石海涯功臣阿里海牙孫也父名貫只哥因以貫爲氏自號酸齋母廉氏夜夢神人授以大星吞之已而有娠及生神彩秀異年十二三英爽有膂力使健兒驅三惡馬疾馳已持槩立待馬至騰上之越二而跨三運槩生風觀者辟易稍長折節讀書吐辭不蹈襲故常初襲父官爲兩淮萬戶鎮永州御軍嚴肅稍暇輒歌雅投壺意所暢適不爲形跡拘一日呼弟忽都海涯語曰吾平生宦情最薄顧祖父之爵不敢不襲今已數年矣願以讓弟語訖卽解所綰金虎符佩之北從姚燧學燧見其古文峭厲有法及歌行古樂府慷慨激烈大奇之仁宗在東宮聞其以爵讓弟謂宮臣曰將相家子弟有如是賢者邪選爲說書秀

才宿衛禁中仁宗踐祚上疏條六事曰釋邊戍以修文德教太子以正國本設諫官以輔聖德表姓氏以旌勲胄定服色以變風俗舉賢才以恢至道書凡萬餘言未報拜翰林侍讀學士忽喟然嘆曰辭尊居卑昔賢所尚今禁林清選與所讓軍資孰高人將議吾後矣遂稱疾還江南賣藥錢塘市詭姓名易服色人無有識之者偶過梁山灤見漁父織蘆花為被欲易之以紬漁父疑其人陽曰君欲吾被當為賦詩遂援筆立成竟持被去人間喧傳蘆花被詩晚年文日遂詩益冲澹草隸書稍取古人所長變化自成一家其視死生若晝夜絕不凝滯於物翛然欲遺世而獨立

歐陽玄神道碑云常入天目山見中峯禪師劇談大道每夏坐禪包山暑退始入城

卒封京兆

郡公諡文靖有詩文若干卷直解孝經一卷

冊曰上馬橫槊下馬賦詩將相之裔無負堂基既讓厥蔭



朝除復辭儵然遺世物外高資

楊載字仲弘福建浦城人少孤博涉羣書年四十不仕戶部賈國英數薦於朝以布衣召入爲國史院編修官預修武宗實錄延祐初仁宗以科目取士載首應詔登進士第歷仕寧國路推官初趙孟頫在翰林得載所爲文極加推重由是名動京師其文章一以氣爲主博而敏直而不肆尤以詩名家嘗語學者曰詩當取材漢魏而音節則以唐爲宗自其詩出一洗宋季之陋

元詩選有仲弘集載詩甚富

楊剛中字志行上元人爲文奇奧簡澁動法

古人不屑爲世俗凡近語元明善極嘆異之官翰林待制有霜月集行世其甥李桓字晉仲由鄉貢士官江潮儒學副提舉亦以文鳴江東載與剛中同輩行而桓稍後

元明善字復初大名清河人其先蓋拓跋魏之裔居清河者四

世明善穎悟絕出讀諸經皆有法而尤深於春秋弱冠游吳中  
已名能文章浙東使者薦爲安豐建康兩學正辟掾行樞密院  
時董士選僉院事待之若賓友士選任江西左丞又辟爲省掾  
虔州劉貴反擒賊三百人明善議寬註誤得全活者百三十人  
旣又得賊所書贖吉民丁十萬於籍者有司欲滋蔓爲利明善  
請火其籍以滅跡二郡遂安歷轉中書左曹掾先是在江西時  
張瑄爲參政假明善馬爲從騎愛之致米三十斛酬其直後瑄  
敗籍其家得金穀簿止書致米不言酬直故明善坐是免久之  
有白其事者乃復掾省曹仁宗居東宮首擢爲太子文學及卽  
位授翰林待制預修成宗實錄遷翰林直學士詔節尙書經文  
譯其關政要者以進明善每奏一篇帝必稱善曰二帝三王之  
道非卿莫聞也延祐初轉禮部尙書歷拜翰林學士英宗親禪

太室禮官進祝冊請署御名命明善代署者三眷遇莫比卒封

清河郡公諡文敏

輟耕錄云明善參議中書日會朝廷遣蒙古大臣使交趾明善副之將還國主賚以金蒙

古受之明善固辭國主曰彼使臣已受矣公獨何為明善曰彼所以受者安小國之心我所以不受者全大國之體國主僕服

明善早以文章自豪出入秦漢間晚益精進在江西金陵每與

虞集劇論以相剴切明善言集治諸經惟朱子所定者耳自漢

以來先儒所嘗盡心者考之殊未博集則言凡為文辭得所欲

言而止必如明善云若雷霆之震驚鬼神之靈變然後可稱於

世非性情之正也二人初相得甚驩至京師寢不相下會士選

自中臺行省江浙二人俱送出都門士選曰伯生以教導為職

當早還復初官有餘閒宜更送我集還明善送至一舍許士選

下馬入邸舍舉酒相屬曰僕以功臣子出入臺省無補國家惟

求得佳士數人為朝廷用如復初與伯生他日必皆貴顯然恐

不免爲人構間復初中原人也仕必當道伯生南士將爲復初  
摧折今爲我飲此酒慎勿如是明善受卮酒跪而釀之起曰誠  
如公言無論他日今隙已開矣請再賜一卮明善終身不敢忘  
公言乃更飲滿而別真人吳全節與明善交密嘗求作碑文  
旣成明善謂全節曰伯生每見吾文必有譏彈乃吾所願聞若  
爲我治具招來觀之如已入石則無及矣明日集至明善出其  
文問何如曰公能從集言去百有餘字則可傳矣明善卽泚筆  
屬集凡刪去百二十字而文益精當明善大服遂驪好如初

冊曰文人相傾自古有然洛蜀之釁由此基焉伯生正士  
小忿宜捐董公爲國友道以全愬不求知千古猶賢

虞集字伯生蜀郡人宋丞相允文五世孫父汲爲黃岡尉宋亡  
僑居臨川嘗起家長沙教授避亂趨嶺表干戈中無書可攜集



母楊氏祭酒楊文仲女也口授集論語孟子左氏傳歐蘓文過耳輒成誦比還長沙就外傳始得刻本則已盡讀諸經通大義文仲世以春秋名家楊氏在室卽通其義故集與弟槃皆受業家庭具有源委左丞董士選除南臺中丞延集主家塾成宗大德初以薦授京學教授除國子博士監祭殿上有劉生被酒失儀集請削其籍大臣有爲劉謝者仁宗時在東宮傳諭勿竟其事集言國學禮所自出此而不治何以爲教竟移詹事院黜之仁宗益以爲賢及卽位改太常禮儀院博士時拜住爲院使間問禮器祭義集備言先王制作及古今因革損益之由拜住歎服俄遷集賢修撰因會議學校集上議曰師道立則善人多學校者士之所受教以至於成德達材者也今天下學官猥以資格授強加之諸生上而名之曰師爾有司弗之禮生徒弗之信

於學校無益也如此而望師道之立可乎下州小邑之士無所見聞父兄所以導其子弟初無必爲學問之實意師友之游從亦莫辨其邪正然則所謂賢材者非自天降地出安有可望之理哉莫若使守令求經明行修者身師尊之至誠懇惻以求之其德化之及庶乎有所觀感其次則求夫操履近正而不詭異駭俗者確守先儒經義師說而不敢妄爲奇論者衆所敬服而非鄉愿之徒者延而致之日諷誦其言使學者習之入耳著心以正其本則他日亦當有所發也其次則取鄉貢至京師罷歸者其議論文藝猶足聳動人非若泛泛莫知根柢者矣累除翰林待制兼國史院編修官英宗卽位集以憂還江南時拜住爲丞相言於上遣使徵之比趨朝而拜住已遇害泰定初除國子司業遷秘書少監充禮部考試官集言於同列曰國家科目之

法諸經傳注各有所主將以一道德同風俗非欲使學者專門  
覆業如近代五經學究之固陋也聖經深遠非一人之見可盡  
試藝之文惟其高者取之不必先有主意若主意先定則求賢  
之心狹而差自此始矣後再爲考官率持是說故所取每稱得  
人帝幸上都命集與侍讀學士王結執經以從自是歲嘗在行  
俄拜翰林直學士兼祭酒侍經筵嘗因講罷論京師恃東南海  
運竭民力以航不測非便乃進議曰京師之東瀕海數千里北  
極遼海南濱青齊萑葦之塲也海潮日至淤爲沃壤宜用浙人  
之法築堤捍水爲田聽富民欲得官者合其衆分授以地官定  
其畔以爲限能以萬夫耕者授萬夫之田爲萬夫長千夫百夫  
如之察其惰者而易之一年勿征也二年勿征也三年視其成  
按地之高下定其額朝廷以次漸征之五年有積蓄命以官就

所儲給以祿十年俸之符印俾得傳子孫如軍官法則東西民  
兵數萬可近衛京師外禦島羣遠寬東南海運以紓疲民遂富  
民得官之志而獲其用江海游食盜賊之類皆有所歸矣其後  
海口萬戶之設大畧宗之文宗卽位改奎章閣侍書學士兼職  
如故嘗以先世墳墓在吳越者歲久湮沒乞一郡自便帝曰以  
爾之材何施不可顧今未可去爾時關中大饑帝問集何以救  
對曰承平日久人情宴安有志之士急於近效則怨讟興焉不  
幸大蓄之餘正君子爲治作新之機也若遣一二有仁術知民  
事者稍寬其禁令使得有所爲隨郡縣擇可用之人因舊民所  
在定城郭修閭里治溝洫限畝賦薄征歛招其傷殘老弱漸以  
其力治之則遠去而來歸者踵至春耕秋歛皆有所助一二歲  
間勿征勿徭封域旣正友望相濟是三代之民將見出於塗



之野矣帝稱善因進曰幸假臣一郡試行此法帝不允有言請

兼職不過三免集國子祭酒會修經世大典命為總裁中丞趙

世安嘗謂集久居京師病目宜假一外職就醫文宗怒曰一虞

伯生汝輩不能容邪閱歲書成既上進以目疾丐解職亦不允

時帝方嚮用文學雅重集不聽其去而嫉之者往往摘集文辭

指為譏訕帝皆察知其故不能中傷東山集云嘗被旨撰一佛

問日人言汝前代相臣子孫今為是文適美前事耳對曰前代

遠矣其臣庶子孫有能不忘祖父事者必忠孝士也臣不足以

侍臣嘆異之一日命集草制封乳母夫為管都王使貴近傳旨

其人素忌集謬言制封營國公集具稟進丞相愕然集知為所

給即請易彙終不明言其故凡論薦人材必先器識心所未善

不為牢籠沾譽御史中丞馬祖常嘗出牘求薦光人龔伯璩集

曰是子非遠到器恐不得令終乃大拂祖常意後果事敗身僇

如集言先是妥懽貼睦爾者明宗長子也文宗忌之放之靜江

詔書有曰明宗在北時自以為非其子蓋集筆也及文寧二帝

相繼崩召諸老臣赴上都議所立集與焉祖常使人諷集曰御

更有言矣乃謝病歸臨川順帝元統二年召還侍臣有以舊詔

言者帝曰此吾家事豈由彼書生邪時集疾作竟不至屢被旨

即其家撰文褒錫勲舊卒封仁壽郡公諡文靖生平折節下士

接後進雖少賤如敵已東山集云太史院教授楊茂弘知置律

為律曆不可偏廢將為書上之自恨文繁不足達當權門赫奕

意求集潤色集既為整飭其文又以告諸有位者未嘗有所附麗集議中書正言讜論多見容受屢以片言出人

於濱死亦不自為德家素貧歸老後兼作方外交登門之士相

望於道其束脩羔鴈之入還供賓客費雖空乏弗恤也輟耕錄云錢唐

道士張雨居茅山素善詩白號句曲外史集一見絕不與談詩世間能作幾家符篆兩日不能集曰某試書之以質是否連書

七十二家兩甄下  
拜稱弟子終身  
早歲與弟槃闢書堂為二室書陶淵明邵雍

夫詩於壁左曰陶庵右曰邵庵故世稱邵庵先生有道園學志

錄五十卷輟耕錄云集與楊載同在京載每言伯生不能詩集置酒請問作詩法載酒酣盡為傾倒集遂超悟其理

繼以所作詩介他人質諸載載曰此詩非虞伯生不能或曰先

生嘗謂其不能詩何以有此曰伯生學問高余曾授以作詩法

餘莫能及故國朝詩稱虞楊范揭焉嘗有問集者曰載詩如何

集曰如百戰健兒稔詩如何曰如唐臨晉帖侯斯詩如何曰如

美女簪花先生詩如何笑曰虞集乃漢廷老史蓋未免自負公

論亦以為然書史會要云集真行草篆皆有法度古隸為當

代第 弟槃字仲常以進士除湘鄉州判官性癖古有巫至稱

神降告其人曰某方火果火忽又曰將大水且兵至州大家爭

驚徙槃察知曰此輩將惑民為亂安有神乎捕治之得黨數十

人論如法槃少時讀柳子厚非國語以為國語誠可非而柳子

之說亦非也著非非國語至詩書春秋皆有論述而春秋乃其

家學故尤善每詣集聞僧道在座輒去雖集亦嚴憚之

續文獻通考 卷三十五 文翰一

冊曰文本正大怪奇則否辭達意明自可不朽學校之議  
切中弊藪言語政事當時誰偶二難一家教由賢母

范梈字德機清江人家貧早孤母熊氏教之學梈天資朗異雖  
癯若不勝衣而卓然自樹於流俗居則固窮以養親出則假陰  
陽之技以給旅食賦詩文用力刻苦人罕知者年三十六始北  
遊賣卜燕市中丞董士選延之家塾薦為翰林編修官改閩海  
道知事閩俗淫巧文繡局多取良家女充繡工梈作詩歌述其

弊廉訪使取以上聞皆得罷遣

其辭曰閩州土俗戶不分生子  
數歲學繡文罔綳坐肆雜男女

誰問小年曾識君古來夜行斯秉燭今者衢路走紛紛那更誅

求使者急鞭箠一似鷄羊羣古來閩閣佩箠管今者女工徵六

軍雖復太平少征戰設有備豫將何云去年居作五千匠耗費

府藏如烟雲官皆培克嘗十八兒以鳩歛奪耕耘張合身置半

不用民勞竟是誰權折歲歲條章豈有夔龍讓姚宋不言忍使

虞在上儉且勤後王猶復錦繡焚豈有夔龍讓姚宋不言忍使

憂心熏觀風自是使者

作歌雖遠天應聞

未幾移疾歸徙家新喻百丈山文宗天



曆二年遭母喪相繼卒臨川吳澄志其墓謂特立獨行可方東

漢諸君子

縣志云有燕然東方海南豫章侯官江夏百丈等稿總十二卷為時所重人稱文白先生

揭傒斯字曼碩江西富州人父來成宋鄉貢士傒斯幼貧惟父

是師讀書尤刻勵由是貫通百氏早有文名成宗大德間稍出

游湘漢程鉅夫為湖南憲長器重之妻以從妹仁宗延祐初薦

授國史院編修官時平章李孟監修國史讀所撰功臣傳嘆曰

是方可名史筆他人直膽吏牘爾轉應奉翰林文字仍兼編修

遷國子助教復留為應奉前後三入翰林臺閣典章靡不諳練

天曆初開奎章閣首擢授經郎教勳戚大臣子弟文宗時幸閣

中多所咨訪中書每奏用儒臣必問曰其才何如揭曼碩一日

出傒斯所上太平政要策

圭齋集云凡四十九章

宗臺臣曰此朕授經郎

揭曼碩所進也

東山集云時學士虞集博士柯九思嘗侍從討論法書名畫傒斯亦在列眷稍疎因潛著一書

綱目卷之五十一  
日奎章政  
要以進

預修經世大典文宗取其所撰秋官憲典閱之曰此  
豈非唐律乎特授藝文監丞叅檢校書籍事順帝元統初累遷  
集賢學士奉命祀北嶽濟瀆南鎮便道西歸除奎章閣供奉學  
士未至改翰林直學士同知經筵事時新格超升不得越二等  
俟斯連進四等轉九階皆帝親擢也經筵無專官多大臣兼領  
而微辭與義必屬俟斯撰定帝嘉其才數出金織文幣以賜至  
正三年年七十致仕去行至鄯南名還撰明宗神御殿碑文旣  
成復求去帝命丞相脫脫慰留之對曰使俟斯有一得之獻諸  
公用其言而天下蒙其利雖死此無恨不則何益之有丞相問  
方今政治何先曰儲材爲先養之位望未隆之時用之周歷庶  
務之後則無失材廢事之患矣詔修宋遼金三史充總裁官丞  
相問修史以何爲本曰用人爲本有學問文章而不知史事者

不可與有學問文章知史事而心術不正者尤不可與則用人之道當以心術爲本且與僚屬言欲求作史之法須求作史之意古人作史雖小善必錄小惡必記不然何以示懲勸由是毅然以筆削自任凡政事得失人材賢否一律以是非之公至物論之不齊必反覆辨論求歸至當而後止踰年遼史成有旨獎諭仍督早成宋金二史侯斯留宿史館朝夕不敢休因得寒疾七日卒追封豫章郡公諡文安侯斯少處窮約事親菽水粗具而必得其歡心暨有祿入衣食稍踰舊輒愀然曰吾親未嘗享是也故平生清儉至老不渝

歐陽玄墓誌云在京師三紀出入未始乘馬爲授經郎每早作宮門

辨色輒先至諸貴游見其徒步謀爲之費馬立朝雖居散地而

侯斯聞之自置一騎尋復鬻之以示非所欲急於薦士揚人之善惟恐不及爲文叙事嚴整語簡而當詩清

婉麗密

元詩選載秋宜集多樂府古辭

善楷法兼工行草朝廷大典冊必以命

續通志卷三十一  
子泚字伯防由翰林編修仕至燕南廉訪副使風尚通

雅正書得用筆意孫雲字之德正書學智永見書史

冊曰求筆削才古維三長本於心術握要尤良至今三史

垂論煌煌辭嚴義博班馬可方

周仁榮字本心台州臨海人父敬孫宋太學生與同郡楊珏陳

天瑞車若水黃超然朱致中薛松年師事金華王栢受性理之

旨嘗著易象古尚書補遺春秋類例諸書仁榮承家學治易禮

春秋而工為文章用薦者署美化書院中長美化在處州萬山

中人鮮知學仁榮舉行鄉飲酒禮士俗為之一變後辟江浙行

省掾史省臣皆呼先生不以吏遇之泰定初由國子博士遷集

賢待制奉使代祀嶽瀆至會稽以疾卒其所教弟子多人而

泰不華為進士第一

輟耕錄云仁榮築一室纔落成友人楊公道與疾至門曰願假君新宅以死即讓正



寢居之未幾果死箱財莫有主者楊之弟詎仁榮求分財謝曰  
若兄寄死於我意固在是喪事之費自已出對眾封籍自平陽  
呼其子來悉與之又買地府城朔義塾築礎時掘地獲雙硯  
有欵識乃唐鄭司戶虔故物塾既成遂名雙硯堂書史會要  
云仁榮楷書宗歐同郡孟夢恂字長文與仁榮同師事楊珏  
率更為時所重

陳天瑞夢恂講解經旨體認親切府志云以薦署台州學錄有  
犇牛入市觸殪官馬夢恂曰

兵光順帝至正中紅巾盜起豫陳備禦策救鄉郡有功授宜興

州判官未受命卒賜諡康靖先生著性理本旨四書辨疑漢唐

會要七政疑解及筆海雜錄五十卷

宇文公諒字子貞其先成都人後徙吳興幼有操行通經史百

氏言弱寇館富民家夜半聞叩門聲問之婦人也公諒厲聲叱

去明日即以他事辭歸終不言其故文宗至順四年登進士第

授同知婺源州事輟耕錄云公諒初領鄉貢入浙省試院頭場  
占一席舍其案上有宇文同知四字不知何

人書試官闕卷以文不中式將黜之時座主龍麟州江西老儒  
也年八十餘始過江浙力主此卷卒置榜中及會試果登高第

賣人前錄 卷三十五 文翰一

後補餘姚州夏不雨公諒出禱輒應歲以有年民頌之爲別駕  
兩省檄察實松江海塗田公諒以潮汐不常後必遺患請一槩  
免科行省從之遷國子助教日與諸生辨析經義六館之士資  
其淘甄者往往出爲名臣調國史院編修官出僉嶺南廉訪司  
事以疾請老平居雖暗室必正衣冠端坐嘗挾手記一冊識其  
編首曰晝有所爲暮則書之其不可書者卽不敢爲也所著有  
折桂集觀光集璧水集以齋詩橐玉堂漫橐越中行橐凡若干  
卷門人私諡曰純節先生

李柯字漑之滕州人生有異質始從學卽穎悟強記作爲文辭  
如宿習者姚燧見其文嘆異薦授國史院編修官以親老就養  
江南久之辟中書掾累除太常博士拜住爲相聞其名擢監修  
國史長史泰定初改翰林待制以親喪未葬辭歸天曆初復以

待制名時文宗方開奎章閣延天下名士洞數見奏對稱旨特授奎章閣承制學士既爲帝知遇乃著輔治篇以進文宗嘉之朝廷有大議必使與焉會修經世大典洞方臥疾卽強起曰此大制作也吾何可不預力疾同修書成既進奏旋謁告歸再除翰林直學士竟以疾不起洞秀眉疎髯目瑩如電顏面如冰玉唇若渥丹望之者疑爲神仙中人爲文奮筆揮灑縱橫疊出若紛錯而有條理每以李白自擬僑居濟南有湖山花竹之勝作亭曰天心水面文宗敕虞集爲之記尤善書自篆隸草真皆精詣爲世所珍愛有文集四十卷

書史會要云書有晉宋家法

曹鑑字克明大都宛平人弱冠南遊具通五經大義成宗大德中用學士郝彬薦爲淮海書院山長南臺中丞廉恆辟爲掾史除典文署作送安南使者歸國途中問難倡和應答如響使者

嘆服以為中國有人英宗至治初授左浙行省員外郎順帝元  
 統二年除同僉太常禮儀院事集議明宗皇后祔廟事援禮據  
 經甚悉官至禮部尙書卒封譙郡侯諡文穆鑑歷仕三十餘年  
 儻屣以居蓄書數千卷皆手自較定為詩賦尙騷雅作文法西  
 京每篇成學者爭相傳誦有文集若干卷嘗自浙調湖廣員外  
 有故掾顧淵伯輟耕錄作主簿顧淵白以辰砂一包餽鑑漫置笥中半載  
 後視之有黃金三兩雜其內鑑驚嘆曰彼以我為何如人也時  
 淵伯已沒卽呼其子歸之

黃潛字晉卿婺州義烏人母童氏夢大星墜懷有娠歷二十四  
 月始生潛比成童授以書詩不一月成誦迨長以文名於四方  
函史云性篤孝母沒營冢或有乳虎馴狎之異延祐開科登進士授台州寧海丞縣地  
 瀕鹽場亭戶恃不統於有司好凌轢鄉井編戶隸漕司及財賦



府者尤驕橫潛一繩之法吏休以利害弗顧也文宗至順初入  
為應奉翰林文字轉國子博士視弟子如朋交未始以師道自  
尊輕納人拜時欲增設禮殿配位四配位合東坐西向學官或  
議分置左右同列不敢爭潛獨面折之事乃止尋提舉江浙儒  
學每月俸不給恒鬻產以佐其費年六十七亟請納祿歸俄除  
翰林直學士兼經筵官執經進講者三十有二言多切直帝嘉  
其忠轉侍講學士累章乞休不俟報竟去帝遣使追還復留為  
前官未幾堅謝病歸優游田里者數年卒年八十一追封江夏  
郡公諡文獻潛素行挺立歷仕五朝嶷然以斯文為已任足不  
登鉅公勢人門一時服其介節為文頃刻數百言剖析經史疑  
義及古今因革制度名物之屬旁引曲證多先儒所未發臨川  
危素稱其布置謹嚴俯仰雍容不大聲色譬之澄湖不波一碧

萬頃蛟龍自怪潛伏不動而淵然之光自弗可犯著日損齋橐

三十三卷義烏志七卷筆記一卷邑人立祠祀之書史會要云書宗薛晉公

自成一家統志云師常山教諭王炎澤故其學有本

柳貫字道傳婺州浦陽人嘗受經於仁山金履祥垂老好學不

倦凡六經百氏兵刑律曆術數方技靡不通究作文沉鬱春容

涵肆演迤多為人傳誦名賢錄云能鑒定古彝器書畫而別其真成宗大德中用察

舉為江山教諭既而召為翰林待制到官七閱月而卒元詩選云貫至

京為吳澄所器程鉅夫以墨一丸授之曰文章正印今屬子矣自號烏蜀山人門人私諡曰文肅有詩文四十卷名柳待制集

貫嘗與黃潛及虞集揭傒斯齊名號儒林四傑著字系二卷近

思錄廣輯三卷金石竹帛遺文十卷書史會要云工篆籀大字得體

吳萊字立夫世居婺州集賢大學士直方子也幼羸弱雙瞳碧

色爛爛如巖下電七歲能賦詩宋瀛墓碑云初母盛氏懷娠父夢西域神人飛空而來翼日蔡

生因名曰來年四歲母授以書輒成誦同郡方鳳  
見奇之曰此那家材也取南山有臺詩中語更今名 當往族父

幼敏家日易漢書一帙以去幼敏指谷永杜鄴傳叩之萊琅然

背誦不遺一字三易他編皆如初因盡出所有書使讀之延祐

七年以春秋舉上禮部不利退居深窺山中益窮諸書奧旨函

云出游海東洲歷蛟門峽過小白華山登盤陀石作觀日賦以見志 著尚書標說六卷春秋世變

圖二卷春秋傳授譜一卷古職方錄八卷孟子弟子列傳二卷

楚漢正聲二卷樂府類編一百卷唐律剛要三十卷生平喜論

文嘗云作文如用兵兵法有正有奇正是法度要部伍分明奇

是不為法度所縛千變萬化坐作進退擊刺一時俱起及其欲

止什伍各還其隊元不曾亂聞者服之元詩選云偶過故人家

戲為長歌頌刻而盡觀者驚以為神人或古文試之察其辭氣即知為某代某人所作 柳貫素慎許與每

稱萊為絕世才黃潛晚年謂人曰萊之文斬絕雄深類秦漢聞

人作吾操觚一世安敢及之御史行部舉茂才署饒州長蕪書

院山長未上而卒年僅四十四碑云門人宋濂胡翰等私諡曰淵穎先生

歐陽玄字原功其先家廬陵後遷潭州之瀏陽幼岐嶷母李氏

親授孝經論語小學諸書八歲能成誦始從鄉先生張貫之學

即知屬文生十歲有黃冠者見之曰是兒神氣凝遠日光射人

當以文章冠世部使者行縣以諸生見命賦梅花詩立成十首

晚歸增至百首見者異之稍長益從宋遺老習為詞章經史百

家靡不研究伊洛諸儒源委尤為淹貫元明善行狀云父龍教授道州玄侍行道為周

敦頤鄉里儒風尤盛玄日從游學力銳進虞集為國子助教其

父汲教授潭州見玄文擊節手封一帙奇集曰他日當與汝齊

名故玄未至京成仁宗延祐首科進士授平江州同知調蕪湖

尹數次疑獄教化人行飛蝗不入其境尋調武岡升縣當蠻獠雜居甫至赤水太清兩洞聚眾相攻玄單騎馳諭眾棄兵仗羅



拜曰我曹非不畏法蓋常訴事於縣縣官不爲直致發憤爭殺耳因喻以禍福歸理其訟獠人遂安入爲國子博士累遷翰林待制兼國史院編修官文宗天曆初軍興旁午亥日直內廷凡遠近調發制詔書檄以至郊廟建后立儲肆赦之文皆出其手初置奎章閣學士院又置藝文監隸焉文宗親署爲藝文少監纂修經世大典立言孔思晦襲封衍聖公爵最五等秩登三品而用四品銅章不稱帝是其言改鑄從三品印給之順帝元統初歷僉太常禮儀院事拜翰林直學士編纂四朝實錄俄兼國子祭酒至元五年以翰林學士告歸詔修宋遼金三史起爲總裁官危素墓碑云廟堂問修史之要立曰是猶作室在於聚材擇匠則必遴選史官發凡舉例俾論撰者有所據依史官中有露才負氣持議不公者立不以口舌爭俟其呈橐授筆竄定往往媿服至論贊表奏皆親自屬筆超拜

翰林學士承旨以足疾屢求退不允除福建廉訪使中途乞休  
 作南山隱居有終焉之志復拜承旨力辭不獲奉勅定國律尋  
 乞休陳情懇切特授湖廣右丞致仕將行復降旨不允汝穎盜  
 起蔓延南北立獻招捕策千餘言當事不能用久之得致仕以  
 中原道梗欲由蜀還鄉帝復不允時將大赦召立草詔久病不  
 能行命肩輿至延春閣實異數云卒年八十五追封楚國公諡  
 曰文立歷官四十餘年三任成均兩官祭酒六入翰林三拜承  
 旨兩知貢舉預修實錄大典三史金縉上尊之賜幾無虛歲海  
 內名山大川釋老之宮王公貴人墓隧之石藉其片言爭為瑣  
 重有圭齋集行世綱鑑云著有唐書纂要宋濂圭齋集序云  
自擢第以來多至百餘冊藏瀾陽里第盡毀  
于兵此則在燕所錄自辛  
卯至丁酉七年間所作

冊曰古大手筆聿稱燕許圭齋視草允堪鼎峙片言之出

奉如至寶實以敷華文爲載道

陳旅字衆仲興化莆田人姿稟穎異稍長至溫陵從鄉先生傅古直游聲名日著以薦爲閩海儒學官御史中丞馬祖常使泉南一見竒之謂曰子館閣器也胡留滯此因勉游京師虞集見其文慨然曰此所謂我老將休付子斯文者矣卽延至館中朝

夕相講習自謂得友

道園學古錄云自衆仲來凡開學修己之事有益於愚陋多矣

平章趙世

延力薦之遷國子助教居三年考滿諸生不忍其去請再任焉

順帝元統初出爲江湖儒學副提舉至元中除應奉翰林文字遷國子監丞旅於文自先秦以來至唐宋諸大家無所不究故

其文典雅峻潔必求合古作者有安雅堂集十四卷

書史會要云旅善古

隸而行楷亦有法

旅感集爲知己當在江湖時歲且大比親奉書幣請

集主文闡衝冒炎暑千里至臨川集感其來留旬日惓惓以斯

文相勉既而聞旅卒深痛悼之同時有程文陳繹曾皆名士

文字以文徽州人年六十始授國史院編修官由南臺御史遷

禮部員外郎作文明潔而精深集亦多稱之一統志云自號黠南生有文集三十

入卷八 繹曾字伯敷處州人口吃而精敏諸經注疏多成誦文辭

汪洋浩博其氣淳如官國子助教論者謂二人皆與旅相伯仲

云書史會要云繹曾學識優博真草篆隸俱通習各得其法

劉詵字桂翁吉安廬陵人歐陽玄墓碑云其先自清江幼失父

知自樹立既冠重厚醇雅素以師道自居教學者有法聲譽日

隆江南行臺屢以遺逸薦不就為文根柢六經躡躒諸子百家

融液今古而不露其踔厲風發之狀四方求詩文者踵其門所

著有桂隱集順帝至正十年卒年八十三賜諡文敏碑云詵之

世俗所搖傲不為風聲氣習所淪染卓然與鄒魯士埒而無忤容亨諸父昆弟盡恭敬友愛先世恒產悉推讓子姪同



邵龍仁夫字觀復劉岳申字高仲皆與詵齊名而仁夫之文尤  
奇逸流麗所著周易集傳多發前儒所未發用薦者以岳申爲  
遼陽儒學副提舉仁夫爲江浙儒學副提舉皆不就

李孝光字季昶

一作

溫州樂清人少博雅篤好古文辭隱居屬

蕩山四方士遠來受學至正七年詔徵隱士以秘書監著作郎  
名赴京師見帝宣文閣進孝經圖說順帝大悅賜上尊明年授  
秘書監丞卒于官孝光以文章負重名其屬文必法古非先秦  
兩漢語弗以措辭有文集二十卷鴈山十記一卷傳世

孫轍字履常江西臨川人幼孤母蔡氏教之學卽警策自勵比  
長行詣純篤事母孝居家教授門庭蕭然而考德問業者日盛  
部使者長吏以下至必先造謁轍樂易莊敬接之以禮言不反  
官府事憲司屢辟不就齊履謙奉詔舉遺逸于江西特以轍應

歲致廩餼皆不受人稱淡軒先生善爲文吳澄嘗序其集以爲

仁義之人其言藹如也元統二年卒同郡吳定翁字仲谷清

修文雅特與轍齊名而尤善詩揭傒斯嘗稱其幽茂疎澹可比

盧摯御史臺辟薦相望終不出年九十餘卒惟名子孫輯其遺

文不及他事嘗曰士無求用於世惟求無媿於世人以爲名言

書史會要云盧摯字處道涿郡人元初稱能詩者以摯爲首官翰林學士有疎齋集亦善書

杜本字伯原其先居京兆後徙江西之清江通諸經尤精皇極

之學行省丞相忽刺木得其所上救荒策奇之及入爲御史大

夫力薦於武宗被召至京師不果用歸隱武夷山中武夷志云結思學齋

懷友軒爲終隱計文宗卽位以金織文幣徵之不起志云釋周書無逸篇附進文宗納焉

順帝至正三年丞相脫脫奏授翰林待制使者致君相意趣之

行強應命至杭州稱疾固辭上書丞相曰公能以萬事合爲一

理以萬民合爲一心以千載合爲一日以四海合爲一家則可  
與言制禮作樂躋五帝三王之盛矣竟不行仍歸武夷築室平  
川上居之平昔所作詩文多不存彙或問之笑曰觀藝文志所  
載古人文集何翅千百今其傳者百無一二故知不必存也所

著有四經表義六書通編十原等書其詩名清江碧嶂集學者

稱爲清碧先生輟耕錄云本有所編五聲韻自大小篆分隸真

夏同音浙省平章嚶嚶時來訪一日語及聲律之學因問國字

何以用可侯字爲首本日正如嬰兒初墮地時作此一聲乃得

天地之全氣也平章甚悅服之

書史會要云工楷書尤精隸篆

張樞字子長婺州金華人幼聰慧外家潘氏蓄書數萬卷樞盡

取讀之過目輒不忘既長肆筆成章頃刻數千言有問以古今

沿革政治得失宇宙之分合禮樂之典廢以至帝號官名歲月  
先後歷歷如指掌爲文務推明經史以扶翼世道尤長於紀事

嘗取三國時事撰漢本紀列傳附以魏吳載記為續後漢書七

十三卷以正陳壽之失是非予奪咸有論斷繫各篇之後名曰

訓志臨川危素稱其立義精密可備勸講朝廷取其書寘宣文

閣順帝至正初徵修三史以翰林修撰官辟名不就使者強之

行至杭州固辭歸嘗著春秋三傳歸一義三十卷刊定三國志

六十五卷林下竊議一卷歌詩雜著名敝帚編名賢錄云樞以宋末仗節諸人

多史氏所不載乃詢諸故老作宋季逸事自將相諸臣以至士卒婦女之死者莫不備錄

明曰諸君炳炳為時儀刑脫屣富貴潛心汗青務敦實學

### 豈盜虛聲

蘓天爵字伯修真定人父志道歷官嶺北行省郎中虞集墓誌云治和林

有賑饑典天爵由國學生中公試名第一宋本滋溪書堂記云以褐石賦中公試

授薊州判官泰定元年擢應奉翰林文字至順元年預修武宗



錄改南臺御史慮囚湖北湖北地僻遠天爵冒瘴毒徧歷其境囚有言冤狀者輒爲之太息每事詳究雖暑夜猶篝燈治文書不倦順帝元統初拜監察御史在官數閱月疏凡四十五上大畧謂法令朝廷所定廷尉天下之平或笞或杖受宣者必申稟中臺或降或黜無例者必定擬刑部是慎重守法不敢輕於用刑今動輒曰省院臺勿用則當用者宣政資政之選乎是降爲雜職矣又曰有選衙門勿用無選者孰敢用乎是不復得叙矣且職官犯賊猶有一貫至三百貫之分至論其罪則有殿降叙不叙之別豈有一遭論奏或犯在革前或事涉疑似輒坐雜職任用之科終身不叙之列豈法之平允哉且犯罪至於流遠家屬尙留京師被劾未至當刑起遣卽歸鄉里蓋緣無事可尋強生掇拾潔白素著特爲染污致使高尚之人聞而退藏有志

之七亦為歛避當路興乏全才之嘆後世有國無人之譏其於世道甚有關繫前後所劾者五人所薦舉百有九人預修文宗實錄遷翰林待制尋除中書右司都事兼經筵叅贊官至元六年遷吏部尚書參議中書省事是時朝廷更立宰相庶務多所弛張天爵言無顧忌夙夜謀畫鬚髮盡白至正四年由西臺侍御史名為集賢侍講學士兼祭酒自以起家諸生進為師長端

已悉心以範學者明年奉使宣撫京畿究民疾苦

名臣奏議云奏免江浙

陽山東河北諸郡饑民夏稅

其興除者七百八十三事糾劾者九百四十九

人以忤時相意坐不稱職罷七年復起江浙參政改大都路都

總管以疾歸俄起為兩浙都轉運使十二年紅巾賊白淮石蔓

延江東詔仍江浙參政總兵饒信間恢復一路六縣以憂卒

軍嘗著國朝名臣事畧十五卷元文類七十卷為文長於紀載

平易溫厚詩尤得古法時中原前輩凋謝殆盡天爵獨身任  
代文獻之寄討論講辨雖老弗倦學者稱爲滋溪先生有松廳  
章疏五卷春風亭筆記二卷遼金紀年黃河原委未及脫藁云  
先是天爵在史局時請修功臣列傳疏曰史有二體編年始於  
左氏紀傳始於史遷考一時之得失則編年爲優論一人之始  
終則紀傳爲備二者皆不可闕近代作爲實錄大抵類乎編年  
又於諸臣薨卒之下復爲傳以繫之所以備二者之體也我國  
家至元間初撰祖宗實錄於時諸臣多在及元貞初詔修世祖  
實錄命中外大小臣僚各具事迹錄送史館蓋欲紀述一代之  
事寓修諸臣列傳然以進史期迫諸臣事實不完遷延至今竟  
不果作向修經世大典臣事之見於簡冊者十居二三矧今翰  
林職專筆削若復曠日引年不復紀載將見勲舊盛烈泯沒無

聞爲史官者無所逃其責矣此列傳之必當修也昔司馬遷爲太史令網羅天下放佚舊聞遺文古事靡不畢集於是據左氏國語采世本戰國策述楚漢春秋究天人之際通古今之變成一家言宣布於世其文直其事核不虛美不隱惡故謂之實錄焉夫史固欲其核實事尤貴於網羅今史館修書不過行之有司俾之采錄或功臣子孫衰替無人或有司憚煩奉行不力事之卒不能具者此也今史官先當取其國初以來至於某年中間功臣當立傳者若而人各具姓名或卽其子孫宗族或卽其親舊故吏或卽其居官之所指名取索其人自當具報不許有司因而煩擾又諸公所有遺文或已刊行開具模印其未刊版者令有司卽其家抄錄申達史館嚴立程限違者罪及提調官吏庶幾事無所遺汗青有日矣至官品固有高下人材則無貴



其律史者本欲紀載賢能用爲法勸初豈別其貴賤輒爲等差  
哉趙周既貴姓名止見於當時黃憲雖微善行永傳於後世近  
自金源以來始以官至三品者行事登於史是使忠烈隱逸之  
士凡在下位者皆不得書又何以勸善乎其法之謬以至如此  
今一品以上止有官階別無事迹自可削去三品以下或守令  
之賢績可紀或隱逸之著述堪傳或人子事親若王祥之孝感  
或義士赴難若南霽雲之殺身並宜登載於編以爲將來之鑑  
且史之爲書善惡並載蓋善者所以爲勸惡者所以爲戒也後  
世史臣亦云誅姦諛於旣死發潛德之幽光今修史條例止見  
采取嘉言善行則姦臣賊子之事將不復登於書彼姦臣者固  
不卹其書與否也今且從而泯滅之是使姦計得暴行於一時  
無所垂示後世彼又何憚而不爲惡乎卽如阿合馬桑哥鐵失

倒刺沙之流皆當明著其欺罔之罪弑逆之謀庶幾人心知所  
警畏然諸家所具事迹多出孝子慈孫之言門人故吏之手恐  
有不實又當叅以刑曹之過簿吏部之行止則善惡備書而無  
虛美隱惡之譏矣惜其說不果行

見名臣奏議

刪曰糾邪舉正讜言諤諤發必中窾煩不憚索明體達用  
不愧所學

貢師泰字泰甫寧國宣城人父奎以文章名家延祐至治間累

官集賢直學士卒諡文靖

一統志云所著詩文有雲林彙卷游集

師泰早入胄監

為諸生泰定四年釋褐出身授太和州判官以薦擢應奉翰林

文字除紹興路推官山陰白洋港忽一船飄近岸有史甲者取

鹵海濱見船無主因取其篙檣船中有二屍旁觀者指為史所

殺史傭富民高家史既誣服高亦就逮師泰密詢之則里人回

自海口因盜網中魚為漁者所殺其冤始白游徼徐裕以巡邏  
為名一日遇諸暨商奪其所賫錢撲殺之投屍水中走告曰項  
獲私鹽犯畏罪赴水死師泰驗其屍有傷追詢具得裕殺人狀  
以故治行為諸郡第一考滿復入翰林為應奉預修后妃功臣  
列傳累遷監察御史順帝至正十四年除吏部侍郎時江淮兵  
起奉命和糴浙中得糧百萬石以給軍朝廷以燕京至上都驛  
戶凋敝命巡視整飭至則驗貧富均徭役民賴以蘇出為平江  
路總管甫視事張士誠自高郵抵城下攻圍急守將遁去師泰  
亦懷印亡匿海濱名賢錄云隱居吳淞江易江浙行省丞相達  
識帖睦爾命權本省叅政十九年除戶部尚書俾分部閩中以  
閩鹽易糧十萬石由海道轉漕京師朝廷賴焉未幾召為祕書  
卿行至杭之海寧州卒錄云白闔浮海還寓州東湖塘師泰既

以文字知名尤喜接引後進不問識與不識輒加推較一時士

譽翕然歸之所著詩文名玩齋集書史會要云楷書亦善

周伯琦字伯溫書史會要云號玉雪坡真逸江西鄱陽人父應極仁宗為皇

太子召見獻皇元頌為言於武宗授翰林待制伯琦自幼從宦

游京師入國學以蔭授南海主簿三轉入翰林修撰順帝至正

元年改宣文閣授經郎教戚里大臣子弟每進講輒稱旨且日

被顧問帝以其工書法命篆宣文閣寶仍題榜額及摹王羲之

書蘭亭序并智永所書千文刻石閣中圭齋集云帝得智永千

文閣所攝墨本從官之有文學者則識以閣寶賜之懸南集

文閣勒石榻本草書凡三百七十字真書凡三百五十五

會御史臺奏風憲宜用近臣特命僉廣東廉訪司事八年仍

召還翰林預修后妃功臣列傳自世祖以後省臺之職南人斥

不用至是始復舊制南士皆得居省臺遂與貢師泰同擢監



御史以兩人皆南士之望也先是紅巾盜起丞相脫脫奏以其弟御史大夫也先帖木兒統大軍南討失律喪師西臺御史劉希曾等十二人共劾其罪伯琦丞丞相意奏希曾等越分干譽皆坐左遷補郡判由是不為公論所與明年遷崇文太監兼檢校書籍事奉命至姑蘓祀海口漕神廟親為記書之未幾出為江夏廉訪使長鎗軍鎮南班陷寧國伯琦倉皇出見尋遁走杭州十七年江浙行省達識帖睦爾假伯琦叅知政事往招張士誠士誠留之平江十餘年乃得歸鄱陽尋卒伯琦博學工文章尤以篆隸真草擅名嘗著六書正譌說文字原二書梓于平江路儒學天都載云初改奎閣為宣文朝臣咸謂必命夔夔書勝時周伯琦雖在館閣精篆書未為上知夔夔日令書宣文閣勝十數紙周不識其意一日有旨命夔夔書閣榜辭口臣所能者真書不古古莫如篆周伯琦篆書今世無過之者上如其言名之子宗仁字克復官山東行省郎中篆書宗其家學書由是進用

然不逮父

勝野聞云士誠面縛見太祖伯琦遙伏于後上  
元君寄汝以心膂乃資賊亂耶賜醉而殺之

冊曰學期致用裨國拯民游藝逢時豈士之真二人譽望

大畧相均折之以道貢爲嶙峋

張翥字仲舉晉寧人父爲安仁尉後調杭州鈔庫使因家焉少  
負才豪放不羈好蹴鞠喜音樂不以家業屑意父深以爲憂一  
旦翻然曰大人勿憂今請易業矣乃謝客閉門讀書晝夜不輟  
時李存家安仁雅好古文辭翥從之受業多所研究未幾留杭  
州又從仇遠學遠於詩最高翥得其聲律之奧遂以詩文鳴於  
時後至元末同郡傅巖起居中書薦翥隱逸授國子助教分教  
上都尋退居淮東會修宋遼金三史起國史院編修官史成歷  
應奉修撰累遷翰林侍講學士兼祭酒翥勤於誘掖絕去崖岸  
有質以經義者必歷舉衆說爲之折衷每論辨輒雜以談笑無

不厭其所得後已嘗詣中書議時政衆論蜂起翥獨默丞相捫  
思監曰張先生平日好論事何不出一語對曰諸人之議皆是  
但事勢有緩急施行有先後在丞相自決耳以翰林學士承旨  
致仕當字羅帖木兒之擁兵入都也強翥草詔削奪擴廓帖木  
兒官爵且發兵致討翥不從或勸之翥曰吾臂可斷筆不能操  
也李羅旣誅詔以翥爲河南平章仍翰林承旨致仕給全俸終  
身卒年八十二翥長於詩其近體長短句尤工文不如詩而每  
以文自負嘗語人曰吾於文已化矣蓋吾未嘗構思特任意屬  
筆耳他日學士沙刺班示以文請易置數字苦思移時終不就  
沙刺班曰先生於文豈猶未化邪何思之苦也因相視大笑翥  
平日善諧謔談吐至傾一座所爲詩文甚多及死國遂亡以故  
遺稿多不傳傳者有說庵樂府僅三卷

冊曰文運隆污其氣則一與時遷流入莫之識持風起衰

彬彬文質

朱震亨字彥修金華義烏人天資爽朗讀書卽了大義聞同郡許謙之學摳衣至門師事之謙爲開明聖賢大旨震亨心解抑其豪邁歸於醇粹不以一毫苟且自恕其清修苦節絕類古篤行士所至人多化之一日母病延醫因自悟曰人子不知醫或委之庸人寧無有失於是研究醫理博求名師得羅知悌之傳治症多奇效嘗著格致餘論局方發揮傷寒辨疑外科精要本草衍義補丹溪心法諸書行世學者稱丹溪先生

李杲字明之號東垣真定鎮州人少通春秋書易博聞強記時易州張元素著珍珠囊一書以醫名燕趙間杲捐千金從之學不數年盡得其秘顧資性高蹇少所降屈非危急之疾人不敢



謁也嘗援例作濟源監稅官祖珍珠囊意增以用藥凡例諸經  
嚮導綱要活法著用藥法象一卷謂世人或於內傷外感混同  
施治乃辨其脉證元氣陰火飲食勞倦有餘不足著辨惑論脾  
胃論各三卷推明素問難經本草脉訣及雜病方論著醫學發  
明九卷蘭靈秘藏五卷辨析經絡脉法分比傷寒六經之則著  
此事難知二卷及濟洄集外科精義號東垣十書至今人稱朱  
李為一代儒醫云本草綱目云張元素字潔古易州人為金時  
名醫立主治秘訣心法要旨名珍珠囊後人  
翻為韻語以便記誦謂東垣所著者誤又著病機氣宜保命  
集四卷一名活法機要後人偽為河間劉元素所作者益謬  
冊曰醫以衛生人子須知元非小道可通平治况稽厥初

開自軒岐載列文翰夫豈非宜

池北偶談載傳汝礪字若金詩集八卷歌行類子美七律亦有  
格調不似南宋俚俗體有詩法源流一帙其妻孫淑字蕙蘭亦  
工詩若金有湘臯烟草綠紛紛淚灑東風憶細君其悼亡作也  
蕭洵廬陵人官工部郎著故宮遺錄一卷元代大內規制瞭然  
賣人簡錄 卷三十一 三 文翰一

畢具與楊奐汴宋故宮陳隨應南渡行宮二記皆足備考  
 日知錄云移刺廸天曆初為常州路總管刻其所點四書章句  
 或問集註其凡例曰凡序註或問中題頭及空處並存其舊以  
 見當時忠敬之意黜殊黜隆近歲新刊大學衍義亦然又陸梁  
 金臺紀聞云元時州縣皆有學田以供師生廩餼餘租悉用刻  
 書故讐校字畫頗有精者皆書院山長主之故也

州曰...

...

...

...

...

...

...

...

續通志簡錄卷三十五

...

續弘簡錄元史類編卷三十六

皇清詹事府少詹事仁和邵遠平戒山學

文翰二補遺

黃超然

附陳應潤

王埜翁

附謝仲直錢義方

丁易東

附陶元幹

王申子

任士林

附趙采徐之祥

丘富國

附鄭儀孫

雷思齊

保八

吳鄴

劉整

附陳宏

朱知常

劉霖

朱隱老

周鼎

楊璉

劉瑾

朱倬

馬道貫

周聞孫

俞元燮

邵光祖

黃景昌

俞臯

魯震

劉彭壽

父淵

黃清老

鍾律

熊復

曹元博

單庚金

吳儀

毛應龍

戴良齊

史季敷

附趙有桂

雷光霆

陳深

程龍

附程直方

程煥

吳迂

聞人夢吉

陳剛

陳樵

附石一鰲

牟楷

馮翼翁

附彭孫

潘迪

薛玄

程時登

林起宗

附程復心

陳普

附韓性同史伯馨

附詹道傳

景星

曾貫

上經學

陰幼遇

兄幼達

劉辰翁

子尚友

史蒙卿

宋无

白珽

劉應龜

元淮

袁易

徐鈞

胡助

姚應鳳

謝暉

方道輿

吾衍

仇遠

呂徽之

薩天錫

周權

王景賢

朱文寔

陳泰

于欽

王炎午

楊士弘

吳正道

史公珽

陳大倫

李康

黃玠

廼賢

丁鶴年

楊少愚

附陳清隱

沙刺班

王立中

何失

翟炳

附王鼎賈竹

程以臨

王逢

王元杰

黃庚

蒲道源

謝宗可

岑安卿

洪希文

孟昉

劉友益

趙居信

鄭元祐

胡天游

周霆震

潘音

紇石烈希元

郭鈺

舒頤

楊維楨

李祁

戴良

李延興

王冕

張憲

周之翰

李存

甘復

顧德輝

張樞

錢惟善

附陸居仁

張昞

陶宗儀

上文學

附藝學



黃超然字立道天台人幼有高志嘗往來王栢門下得聞性理之旨尤深於易恨朱子本義欲再修而未及乃參會互考采之先儒以盡其變本之經義以歛其歸作周易通義二十卷又以讀易之法當先推卦義以求六爻之情情有難通則參以象象有難通則參以位位有難通則參以三百八十四爻之例別爲發例三卷或問釋蒙各五卷兩與鄉貢宋亡遂不仕築西清道院居之世祖嘉其節賜諡康敏 同邑陳應潤字澤雲父獻肅公邦彥湛精理學易有家傳應潤作周易爻變義蘊四卷甚言假老子之學者創無極太極之論變爐火之術者撰先天後天之圖強指陰陽老少爲四象而四象之說不明妄引復姤逆順爲八卦而八卦之位不定乃示人爻變之法削去其圖辨正其說自謂積三十年勤苦而成至治二年黃潛序而行之

王埜翁字太古婺源州人宋遺民性嗜易辟鎮江學正謂此職十年亦不得至卿相棄官歸著見易篇極卦畫之所以然而皆本河圖洛書自然之法象既卽圖書詳論人所以取則而畫卦作範之故復改正洛書已兆於神禹以前且援列禦寇子華子乾鑿度與黃庭經之辭以證劉長民九爲圖之說復辨孔安國劉向父子班固僞關氏易相承立說之非又有周易分注主於明象以考變有司具錄進呈時尚程朱易說皆駭所聞見吳澂方爲胄監師見而說之所注易纂言多采其說 上饒謝仲直著易三圖十卷以先天八卦圓圖爲河圖九數而九位方圖爲洛書十數而五位作五位相得之圖虞集見而善之 吳興進士錢義方作周易圖說謂河圖本伏羲所取至洛書之出在于有餘年後聖人並陳之不過以龍龜負文而出河洛者其事同

聖人則之而卽理推數二者固可相通故並舉之以見義非謂作易兼取洛書也故其說悉本河圖而不及洛書云

丁易東字石潭龍陽人宋進士官編修入元數微不起著周易傳疏十卷易上下經古旣爲二卷通孔子所傳十篇爲十二卷至費直分象象二傳附於經詞後以便學者今乾卦是也後人又附爻象傳文於當爻之下今坤卦以下是也呂微仲嘗正之爲十二篇晁以道又正之爲八篇皆以經象傳文言繫辭說卦序卦雜卦爲次呂伯恭又更著爲經二卷傳十卷合王肅本朱子本義用之吳斗南又謂說卦三篇漢初出於河內女子今止存其一又有繫辭上下二篇卽所謂說卦上中篇而今所傳說卦特下篇也乃合夫子象大象各爲一卷而以小象分上下爲繫辭傳以今繫辭合說卦爲說卦三篇南康馮氏謂其說近是

然象象依本義分爲二故上下二經外十翼之序象上一象下  
二象上三象下四文言五說卦上六說卦中七說卦下八序卦  
九雜卦十其說固似有理但攷繫辭爲說卦尚有可疑而寘文  
言於繫辭前則不可易東從其序而繫辭傳之名則仍依本  
義考訂尤確嘗建石潭精舍教生徒事聞賜額沅陽書院授以  
山長時襄陽陶元幹亦嘗著易世稱陶易

王申子字與卿邛州人寓居慈利天門山著大易緝說十卷嘗  
見魏鶴山答蔣得之書及史學齋臨汝講義皆祖張杞物語以  
九其圖者見後天八卦之象十其書者具洪範五行之數謂晦  
庵不及見是書故謂十圖而九書此讀易者一大疑事申子少  
探其原而正之取十其圖者分緯之以畫先天九其書者錯  
之以位後天不假穿鑿直可斷千古疑案皇慶二年徵爲南



書院山長尚有春秋類傳周禮正義等作

任士林字叔實絲竹人僑居奉化講道會稽嘗作中易分爲上下篇三陳其卦所以極河洛之數成大衍之用體天地之樞盛德大業顯仁藏用一本坎離頤大小過之妙旣未濟隨蠱之機井噬嗑賁困之感屯鼎革蒙之推聖人通變立言之旨粲然甚明修齊治平之道不出乎是至大初薦授安定書院山長有潼川趙采字德亮著周易折衷三十三卷以程朱傳義爲主而附以已見間採先儒象數變互以相發明 饒州徐之祥號方塘有讀易蠡測其言象數取皇極於康節取太極於濂溪而諸卦之中多詳其變又名玩易詳說 桐廬魏新之字德夫宋咸淳進士亦著學易蠡測因先儒列卦爲方圓圖乃以已意成三隅圖曲盡妙理 休寧吳霞舉號默室著周易管見六十卷筮

易七卷太玄潛虛圖十卷雖互有異同皆盛行於世

丘富國字行可建安人受業朱氏之門宋亡不仕著周易輯解十卷學易說約五篇經世遺書三卷其徒鄭儀孫號翠屏咸淳初應賢良舉作易圖說解大學中庸章句

雷思齊字齊賢臨川人宋亡獨居空山中著易圖筮通變義若干卷中年去儒服爲黃冠師人稱空山先生其易圖通變五卷世有傳本易筮通變三卷載道藏中作詩豪健有奇氣

保八字公孟號普庵蒙古人少好學爲黃州路總管精易理著易源奧義一卷周易原旨六卷仁宗在東宮保八嘗進筮圖自龍圖之畫既出而象數之學肇開至六十四卦以成書爲百千萬年之明鑑義文孔子發先天之妙京費王弼廣後世之傳豈但求語下之筌蹄又當參胸中之關鍵凡蠡測管窺以探精義

皆銖積月累以用深功苟得其真敢私其秘不揆淺膚之素學  
冒干投進於青宮冀虎闢齒胄之間特加披閱在鶴禁延儒之  
頃更賜表章太子深爲嘉納尚有周易尚占二卷今佚

吳鄴字

永新人宋末避讐徙山西變姓名張應珍注周易

宗程朱而不爲苟同如參天兩地而倚數鄴謂本義天圓地方  
圓者一而圍三三各一奇方者二而圍四四合二偶似費擬議  
蓋五生數中天數一三五凡參地數二四凡兩故聖人參兩之  
以倚數八卦之象乾坤天地以太虛言也震巽天地之長男女  
爲雷風有氣無形坎離天地之中男女爲水火有形無質艮兌  
天地之少男女爲山澤有質確定矣駙馬濶里吉思嘗從之質  
疑刻其書於平陽路大德八年官秘書少監始更今名  
劉整字宋舉古田人自稱蒙谷遺老敎生徒百餘人少從合沙

鄭少禎學易傳六十四卦圖說及春秋元經著易纂圖一卷甫

就而卒 同邑有陳宏者元初徙華亭同知吳江州事著易童

子問易象發揮各一卷葉氏棗竹堂書目嘗載之

朱知常字久道隱居金華赤松山通儒術稱黃冠師少受易於

鄉先生盧端叔後得易說於池陽周元舉遂以見聞集為一編

進上名經進易解更有董氏易傳覺李氏易辨證齊博士易解

皆不傳惟尤氏遂初堂書目載之

高氏書目有溪邊熊東字季隆著易說數卷

劉霖字雨蒼安福人博通五經元季寇陷城邑乃避地泰和學

者師尊之性耿介不隨世俯仰有太極圖解易本義童子說四

書纂釋杜詩類註等稟時泰和陳謨號心吾其學亦為鄉郡所

宗著書經會通詩經演疏二書及海桑集

水隱老字子方豐城人受業桂莊涂應雷遠承朱子遺緒倡道



荷山之陽精易理及邵子先天橫渠正蒙諸書謂先天之學心學也其圖皆從中起邵子探是圖著皇極經世性命物理之說重明斯世學者畏其難棄而弗講乃作經世書說張子正蒙實與太極圖通書西銘並傳而未有爲之註者乃作正蒙書說禮經殘缺已久朱子雖定爲儀禮經傳而其輯錄皆出門人予奪多有未當乃作禮說易之爲言廣大悉備伊洛諸儒雖嘗論著其義皆愈索而愈無窮乃作易說學者稱濬峯先生

周鼎字仲恒廬陵人早從湜溪郭正表游六經有所疑滯縱橫叩擊多超特之見謂詩分正變固肇於漢儒然正中有變變中有正其體製音節夏然不侔若虛心玩之策書紊亂瞭然可見必各從其類然後可辨世道升降之由其詩雖非盛時之作其人既賢其詞猶爲近古必附小大雅之正者勸懲之義庶幾有

托鼎於六經皆有論著獨詩經辨正為完書

楊遂字元度餘姚州人起家儒生著詩傳名物類考御史姚燾

上於朝歷寧海縉雲及本州學官同郡夏泰亨字叔通九歲

能文早領鄉薦官翰林編修著詩經音考矩軒集

劉瑾字公瑾安城人博洽經史著詩傳通釋二十卷采錄各經

傳及諸儒所發要義考求世次源流至明且備明永樂中胡廣

等攘其書為大全惟將原本愚按二字更作安城劉氏云

朱倬字孟章江西新城人至正二年進士

建昌志作至順元年者誤

授知遂

安縣事饒徽盜起陷城吏率逃散倬大書座右有生為元臣死

為元鬼之語盜焚廨宇急倬乃朝服赴水死嘗著詩經疑問七

卷

朱氏授經圖焦氏經籍志皆作六卷

署其篇首曰吁黎進士朱倬橐

馬道貫字德珍金華人弱冠師事許謙得濂洛之學謙沒制服

雜喪學者稱之著尚書疏義六卷自號一得叟性

公事不入城市謙及門甚多而惟道貫為著

孫以立古水人由鄉貢薦入史館修宋遼金三史同事

多與合歡後不肯以正統予宋聞孫疏爭之不報棄職歸著

尚書一覽河圖洛書序說詩學舟楫各若干卷

俞元爨字邦亮其先自建寧徙長洲通蔡氏傳博采群說著尚

書集傳十卷或問二卷其歿也虞集為之銘

弘光祖字弘道從父宦遊來吳因家焉博通好古研精經傳

六書之旨張士誠辟為湖州學正不赴著尚書集義六卷

黃景昌字明遠浦江人通尚書春秋之旨嘗言自公穀口說

傳至漢然後著之竹帛故經有脫編有錯簡學者上畏聖經下

避賢傳訛舛誣漏莫之敢較其春秋公穀舉傳論及三代用正

日夜食之辨凜凜不可屈後得巴川陽恪春秋考正一卷言一代悉用夏時不改月數景昌明其不然作周正如傳考二卷言周改月并改時左傳去夫子時近當如傳所云也

俞臯字心遠新安人幼師宋進士趙良鈞得春秋大旨自晉杜氏注左傳始有凡例之說取經之事同辭同者計其數凡若干而不考其義唐陸氏學於啖趙作纂例一書雖分晰詳備亦未嘗以義言之逮程子為傳始分別義例臯一遵程說以義同事同辭同者定為例十六條其有義不同而辭同事同而辭不同者則分見各事之下名春秋斷義泰定三年書成

魯震字樵南廬陵人時設科以春秋胡傳與三傳並用學者困於藩閤未有能合為一書者震次第集之始左氏次公次穀次胡氏而取止齋陳氏說附於後凡胡氏有所引用皆分注其下



別爲類編以附於卷名春秋五傳深有便於學者

劉彭壽字壽翁辟衡山教諭樂士習之美遂家焉父淵字學海以春秋三領全蜀鄉解仕永州學正彭壽得其家傳亦以是經成進士著春秋正經句釋及春秋澤存皆衍父書而作

黃清老字子肅邵武人天資英敏五歲日記數千言泰定中成進士由編修出爲湖廣儒學提舉時人重其學行號樵水先生著春秋經旨四書一貫數十卷詩名樵川集

鍾律字伯紀汴人元末鄉貢士屢辟召不應世之學春秋者多泥於胡傳褒貶之說有能脫去宿習一以經文爲正者於筆削精義往往或昧律采諸家格言之合經者備載各條之下而闕附已意名春秋案斷補遺蓋取程子傳爲案而經爲斷者

熊復字庶可南昌人以五經教授鄉里學者稱西雨先生著春

秋會傳

成紀一作

吳澂見而憚焉跋其後曰邵子曰聖人之經渾然

無迹如天道焉故春秋書實事而善惡形乎其中世之學者率謂聖人有意褒貶三傳去聖人未遠已失經意况後之注釋者乎唐儒惟啖趙二家獨究聖人之旨宋清江劉原父其次也熊君所輯會傳合之諸家注釋未有能精擇審取如此者

曹元博以字行上海人潛德弗仕著左傳序事本末楊維禎避

居淞上善其書序畧曰左丘明受經仲尼故作春秋傳為聖經

之案後之傳左氏者有鐸椒作鈔撮八卷虞卿作鈔撮九卷借

其文無傳漢張蒼賈誼復傳左氏河間王進於武帝至成帝時

劉歆校秘書見而存之始立左氏春秋逮晉杜預復表章之而

傳有注釋後世言春秋者舍左氏無以為統緒攷止齋陳氏

著其所不書以凡經之所書者皆左氏功此章指所自作也

得託按經以證傳復索傳以合經爲左氏序事本末可謂採蒐之精而權衡之審矣不亦可傳也乎

單庚金字君範山陰人隱晦溪山三十年日夜取古聖賢經傳遺言洗濯磨治其書已脫稿者有春秋三傳集說分紀五十卷用呂氏程氏所纂自左氏公穀以來諸家之同異定於一書後學得以依據又推解正經題爲春秋傳說集畧十二卷戴表元嘗爲之序同郡俞漢字仲雲撰春秋傳三十卷進呈詔付禮部刊版辟爲儒學官不就門人私謚曰文惠

吳儀字明善金谿人初舉於鄉會世亂卽絕意仕宦學以六經爲歸晚尤專心春秋謂聖人之經一而諸家異傳大道榛塞職此之由乃著三書曰禘傳曰類編曰五傳論辨辭義嚴密每撫卷嘆曰此書吾積學所致後有楊子雲其將好之矣

毛應龍字介石南昌人大德間爲澧州教授著周禮集傳二十四卷周官或問五卷總諸儒訓釋而斷以己意者集傳戴良齊字彥肅台州人精通六經奧義謂當今經書雖皆完具而禮經獨爲殘闕加以漢儒諸說多有不純著禮辨一書特出已見攷證獨爲明確吳澂常師之以衍其說

史季敷以字行明州人世傳夏小正爲夏書在大戴禮中傳之者戴氏也鄭康成爲之注或曰盧辨注謂爲鄭氏者非也山陰傅崧卿加以訓釋多所補正朱子集儀禮尊信小正而用之其論益定季敷叅攷同異作夏小正經傳考三卷參以傅氏本及采儀禮集解附以釋音復取先儒解經所引小正語及事相附近者綴於傳文下脫行者列敘於後尤稱詳密時括蒼趙有桂字詵仲有夏小正集解蓋取諸家說而更爲之解者



雷光霆字友光江西寧州人居教授學士程鉅夫詹天遊皆其徒也註九經集義五十卷史辨三十卷詩義指南十七卷至元間遣使徵之未至而卒學者稱龍光先生

陳深字子微號清全世居平江宋亡卽謝去舉業沈潛問學著讀易編讀詩編及讀春秋編十二卷原本左胡采撫羣說與人

高譚遺經疊疊不倦爲一時耆宿天曆間奎章閣臣以能書薦

匿不出所著詩文名寧極齋稿

書史會要云草書步驟急就

程龍字舜俞號苟軒

又曰不翁

婺源人景定進士元初拘刷宋故

官龍不得已出知永嘉縣著尚書毛詩二傳釋疑禮記春秋辨

證及弄環餘說補程子三分易圖並刊行世同邑程直方字

道大通諸經生平著述易則有啟蒙翼傳四聖一心書則有蔡

傳辨疑詩則有學詩筆記春秋則有諸傳考正旁通等書

程煥字時可豐城人宋末兩與鄉漕薦入元不仕學者稱嚙山  
先生著易傳宗書傳通詩傳微各數十卷  
吳迂字仲迂浮梁州人少從饒雙峯學人稱可堂先生汪克寬  
其門人也著易學啟蒙書編大旨左傳義例詩傳衆說等書  
聞人夢吉字應之金華人父詵老嘗遊王栢之門夢吉受學家  
庭父子自相師友手抄七經傳疏深究義理閉戶逾十年悉通  
奧旨乃開門講學泰定間貢授泉州教諭平生信道既篤涵養  
益純識與不識莫不稱爲有道君子門人諡曰凝熙先生  
陳剛字公潛浙之平陽人受業胡長孺之門晝夜研索通易詩  
書三經旨要著五經問難四書通辨述歷代正閏圖說渾天儀  
說歷代官制說禹貢洪範手抄累試不售後兩目俱盲人有志  
其文者猶能口授雅正高古人稱潛齋先生

陳樵字君采東陽人父取青從鄉先生石一鰲遊與聞考亭之

學一鰲字晉卿宋鄉貢士晚年覃思於樵承家傳繼受易詩書

春秋於程直方書無不讀讀無不解屏却傳注獨取遺經精思

四十年恍然有得著易象數解新說洪範傳經解四書本旨孝

經新說常製鹿皮為衣種藥園谷中自稱鹿皮子集

牟楷字仲裴號九溪黃巖人刻志誠正之學論文務以性命為

先詞華為後有九書辨疑致中和議河圖洛書說春秋建正辨

深衣刊誤定武成錯簡管仲子糾辨桐葉封弟辨四書疑義篇

門人名其書為理窟尊之曰靜正先生

馮翼翁字子羽永新人舉進士試科斗賦有名官至撫州守著

春秋集解大義性理群書通鑑小錄考索類要正統五德類編

文章旨要五子旨要禮考正古書正偽錄等書同郡彭絲字

曾叔著庖易春秋辨疑禮記集說四十九卷黃鐘律說八篇

潘迪字牖民元城人博學能文歷官國子司業著易春秋庸學

述解六經發明及石鼓文音訓攷北方學者爭奉爲師表

薛玄字微之華陰人制行立言傑然當世搢紳尊之曰庸齋先

生日與辛愿姚樞講貫古學有中庸注聖賢心學編易解皇極

經世圖說

困學齋集云庸齋先生  
講微之或者以字行乎

程時登字登庸樂平人時德興槃澗董銖得考亭之學傳其鄉

里有程正則者私淑之時登從之遊深徹性命奧義著大學本

末圖說中庸中和說集朱子論述問答之語審未發已發之幾

而探索性情體用之極太極圖通書西銘則錯綜爲之互解更

有周易啟蒙輯錄律呂新書贅述臣鑑圖文章原委等刻

林起宗字伯始內丘人幼力學長從劉因遊得周邵程朱精義



著志學指南圖為求道之標準心學淵源圖為入聖之極功及  
大學論語孟子中庸詔圖孝經圖解小學題辭發明魯庵家說  
共數十卷實繼北方儒學之緒時婺源程復心字子見自幼  
潛心理學會輔氏黃氏之說折衷成章名四書章圖總要二十  
二卷皇慶二年江浙省臣上其書優詔擢用辭不出

陳普字尚德

後以字行  
更號懼齋

寧德人其學以四書五經為本三辟閩

省教授不起著四書句解鈴鍵學庸指要孟子纂圖周易解注  
尚書補微凡數百卷尊聞紹言屹然為朱門嫡派隱居石堂山  
學者稱石堂先生其門人韓性同號古遺素稱高弟有書經講  
義五百餘篇易經旁注書集解史類纂等藁

史伯璿字文璣平陽人幼強記精究四書深得朱子本義時饒  
氏輯講許氏藁說胡氏通旨陳氏發明有與朱子背馳者乃著

四書管窺五卷多所辨正刻版永嘉郡學 臨川詹道傳亦言

四書之旨晦蝕於訓詁幸朱傳出而大義曉然讀者未易窺測

乃用許衡所定句讀著四書纂箋二十六卷錄之建陽郡

景星號訥庵餘姚州人幼失學年十六始出就伯父黃先生學

先生本姓景繼黃氏諱元吉字子文黃曰汝欲為學必先熟讀四書而後他經可

讀於是晝誦夜思者四年粗通大義後欲習舉業黃又引之受

經勾乘楊淵淵字澄源一時師友講習益知蘊奧因折衷群言注四

書集說啟蒙大學當時已刊行中庸近得抄本餘皆不傳

曾貫字傳道泰和人少時篤志聖賢之學倜儻有大志至正中

為紹興路照磨監州慕其節槩辟禦龍泉寇倉卒間受命戰于

觀背死之有四書類辨周易變通庸學標旨諸刻

冊曰竊經致用乃為世利河清難逢作者是寄諸公殫心

發明道義嘉惠後生功有可紀

史蒙卿字景正明州人宋咸淳進士志行高卓時四明之學悉

祖陸氏而宗楊袁慈湖先生楊簡及沈煥舒璘繼起復主其說

有能表章朱子之學者白蒙卿始初教授江陰著小學紺珠以

淑後進其文曰靜清集按小學紺珠本宋王應麟所著志稱蒙卿有此書惜未得見

陰幼遇字時夫奉新人登宋寶祐九經科宋亡不仕著韻府群

玉二十卷以事繫韻以韻摘事經史子集蒐獵靡遺垂三十載

而成兄幼達為之隨字註釋以備觀覽延祐初錢梓盛行于世

據南昌志所載如此按本書則為陰時夫字勁弦所輯其兄中夫字復春為之註其父號竹塹翁則宋進士也

劉辰翁字會孟廬陵人補宋太學生廷試因言濟邸無後可慟

忠良戕害可傷風節不競可憾忤賈似道意置丙第遭亂隱居

求道著須溪文集子尚友克世其家吳澂評其父子之文謂辰

翁奇詭變化尚友浩瀚演迤皆能成一家言

宋无字子虛舊字晞顏壯歲負氣視功名如拾芥宋末兵起自

晉陵遷吳昌朱姓雖奔走捨讓學業不怠父國珍仕元領征東

萬戶案牘適病痿无句以身代入海抵竹島風雹交作隨驚濤

至下未嘗廢吟咏至元二十四年中丞王西溪舉茂才以奉親

養著翠寒集詩趙孟頫稱其風流蘊藉皆不經人道語又吟藝

集一卷雜咏古人軼事更有鯨背吟乃從事征東幕府時作皆

七言斷句議論諷刺探牘闡幽不當徒以詩目之按趙魏公翠寒集序云子

虛舊以晞顏字行則曹學佺十二代詩選別載宋瑜

鯨背吟者誤也未知子虛曾冒朱姓本一人耳  
白珽字廷玉錢塘人年十三受經太學卽有聲性耿潔甫壯授

建藏書家晝緡夜誦燈墜花穴帽不知也李衍爲江浙平章薦

太平學諭珽勉起應命秩滿遷蘭溪州判官不赴其詩文爲



時所重紫陽方回稱其冠絕古今剡源戴表元謂其注波五經之淵披條百氏之畹廬陵劉辰翁言其蒼然者不惟極塵外趣兼有雲山韶護之音晚歸老棲霞學者稱湛淵先生所著曰經子類訓曰集翠裘曰靜語各二十卷亦工書有魏晉風

劉應龜義烏人自少潛心義理之學每以古人自期宋咸淳間遊太學丞相馬驥高其才將以女妻之堅不允由是名稱藉甚至元初起爲月泉書院山長升杭州學正所著有夢稿癡稿聽雨留稿共二十卷

元淮字國泉別號水鏡臨川人徙家郟武初以軍功顯閩中官至溧陽路總管嘗有詩云截髮搓繩斷鐵捲旗作帶繫金釧臥薪嘗膽經營了更理毛錐治溧陽溧陽爲金陵上邑至元十三年并爲溧州繼改溧陽府已升爲路淮到省乞改作直隸州

少蘓民力及去任作詩云問歸行李輕如羽沿路吟詩有一船  
其廉退之風可想見著金剛吟一卷

袁易字通甫長洲人丰姿秀朗不求仕進行省使者將薦之朝  
謝不可辟署石洞書院山長辭歸居吳淞具區間築堂曰靜春  
聚書萬卷手自校定著靜春堂詩集四卷與郡人龔肅郭麟孫  
爲吳中三君子趙孟頫嘗作臥雪圖貽以美之子泰字仲長爲  
郡學教授別號寓齋亦有詩行世

龔鈞字秉國蘭谿人宋汀州使君時升之子也以父任爲濠州  
定遠尉宋亡不仕家故多書發其篋盡讀之至古今興亡之變  
治亂之故有慨於中則發爲詩歌通計一千五百三十首名曰  
更錄同郡許謙黃潛皆爲之序

胡助字履信東陽人貌清古深究經史百氏大旨舉茂才授

康路學錄至順間用薦改國史院編修官平生薄勢利與人無怨惡嘗作大拙小拙傳以寓意著純白類稿三十卷

姚應鳳字時和慈谿人自幼承家學卽以文字爲業頗自確其才喜馳騁每屬筆於廣衆中詞鋒橫逸驚一座後持以謁同郡袁桷桷語之曰子文不受束縛然法度自不可廢也應鳳領之自是務爲簡嚴日益深邃至元間嘗就試省部時以龍虎臺命題有司得應鳳賦嘆曰此楚漢故物也置高第其賦爲世所傳誦有訥軒稿若干卷藏於家

謝暉字彥實資陽人識見通敏早歲受業胡長孺之門以德業自勉或勸習舉子業答曰學以博通古今資文行耳仕奚所急趙孟頫見而愛之授以書法一臨池遂得其神爲詩文簡淡雋永尤長尺牘人得其片楮爭藏弄以爲榮暉亦不自秘惜有求

輒應藩帥郡伯詣門請交未嘗造謝毋相對清言終日一語不及私說者謂其貞不絕俗云

方道鼂字以愚淳安人宋尚書逢辰曾孫從同里吳朝陽先生游以春秋名當世登至順二年進士授翰林編修官所撰后妃功臣諸傳筆削大義獨斷於心無能議者調杭州府判引疾歸著春秋集釋愚泉詩稿各十卷詩說文說選唐詩各一卷

吾衍字子行由太末徙家錢唐性凌物傲世故高不事之節求室委巷中教小學常數十人或請謁從樓上遙謂曰吾出有間矣著尚書要略聽玄集造玄集九歌譜十二月樂譜辭重正卦氣楚史檣杵管文春秋諸書兼通音律工篆隸初衍年四十未娶所知爲買酒家女爲妾年饑女嘗爭人後夫知妾所在訟之適遭撻辱不勝忿因詣仇遠作別館表出留詩一章有西冷



者西湖多寶院僧可

知其死乃葬衍遺文於後山

編作姓吾丘先世本趙人

遠字仁近錢塘人官溧陽州教授好古博雅楷書學歐陽率

更行書亦善所著有山村集批註唐百家詩選名重一時

呂徽之號六松家仙居萬竹山常逃名研漁以自給偶攜楮幣

詣富家易穀種值大雪立門下人弗之顧徐至庭前聞閣中分

韻作雪詩有得滕字者苦吟弗就徽之不覺失笑諸貴游出見

其露頂短褐輒侮之詢其見笑之由徽之曰我意舉滕王蛺蝶

事耳衆始嘆服邀入坐以藤滕二字請延之即援筆大書復請

和曇字韻更立就和畢便出衆疑其為白處士也與之穀拂然

曰我豈受不義者必易之刺船而去遣人遙識其處雪晴往訪

焉惟草屋一間家徒壁立忽米桶中坐一人乃其妻也試問呂

先生何在白溪上捕魚始知真爲嶽之矢詣其處方艤舟隔岸  
曰諸公盍先到舍遲我乎少頃攜魚換酒至盡歡而別他日復  
往躡其蹤則遷居矣一日與治中陳孚遇諸道孚策蹇驢見嶽  
之風神高簡問曰得非呂先生乎曰然也握手共論驢故事嶽  
之舉一事孚答一事互至四十餘事孚一能答嶽之曰我尚記  
有某出某書傳者又三十餘事孚深敬之

薩都刺字天錫別號直齋本答失蠻氏祖父以勛留鎮雲代遂  
爲河間人弱冠成泰定中進士授應奉翰林文字擢御史於南  
臺以彈劾權貴左遷鎮江錄事歷淮南廉訪經歷有詩名善楷  
書晚年寓居武林每風日晴好輒肩一杖挂瓢笠踏芒躡凡深  
巖遂絕人跡不到處無不窮其幽勝興至則發爲詩歌所著有  
鴈門等集西湖十景詞至今膾炙人口

周權字衡之號此山處州人磊落負雋才持所作走京師示袁  
桷大異之謂其意度簡遠議論確深可預館職力薦弗就陳旅  
選其詩題曰周此山集歐陽玄序云季世詩人宋之習近骯黷  
金之習尚號呼當混一之初猶或守其故習今則皆自刮剝而  
不爲矣此山詩簡淡和平語多奇雋揭傒斯謂詩之正如日月  
星辰山川草木鳥獸而其變如風雲雷電龍騰虎躑要在盡其  
常通其變而已惜不得與衡之共論之

王景賢號愚谷海康人少領鄉薦爲邕州路教授歷慶路天河  
二縣尹學博行修著作超逸文宗出居海南得所爲詩嘉其清  
雋手書愚谷二大字賜之及卽位更賜以六花宮袍

陳泰字志同茶陵州人延祐初與歐陽玄同舉於鄉以天馬賦  
得薦官龍泉簿生平以吟咏自怡別號所安有所安遺集一卷

好作歌行出語清婉有致居易錄云元詩中道園一流人惜其名不著

朱文憲字原道莆田人泰定中進士由甌寧縣尹至泉州路總

管致仕博學洽聞宋濂稱其文言醇而理彰著有葵山集

于欽益都人博學多聞官兵部侍郎奉命使山東周覽山川風

土參考水經地記及歷代沿革之詳著書六卷名齊乘字思谷

王炎午字鼎翁安福人宋末為上舍生少年負氣節母沒廬墓

左終身不歸文天祥被執過青原炎午作生祭文遺之其辭曰

嗚呼大丞相可死矣華元跟躄于胥脫走丞相自敘死者數矣

誠有不幸則國事未定臣節未明今鞠躬盡瘁則諸葛矣保得

闕廣則田單卽墨矣倡義勇出則顏平原申包胥矣雖舉事率

無所成而大節亦無媿所欠一死耳奈何再執涉月踰時就義

寂寥聞者驚惜豈丞相尚欲脫去邪尚欲有所為邪昔東南全

盛不能解襄圍今以亡國一夫而欲抗天下况趙孤距海楚懷

入關商非前日之頑周無未獻之地南北之勢既合天人之際

可知彼齊廢齊興楚亡楚復皆兩國相當之勢而兩君大臣固

無恙也今事勢無可為而臣皆為執矣臣子之於君父臨大節

決大難事可為則屈意忍死以就義必不幸則仗大節以明分



故身執而勇於就義當以果卿張巡為上李陵降矣而曰欲  
為且思刎頸以見志其言誠偽既不可知况形拘勢禁不及  
者積丞相不死當有死丞相者矣丞相何所俟乎以舊上尚在  
未忍棄捐也李昇篡楊行密之業遷其子孫於廣陵嚴兵守之  
至子孫自為匹耦然猶得不死周世宗征淮南下詔撫安楊氏  
子孫景昇驚疑盡殺其族夫撫安本以為德又反為禍幾微一  
失可不懼哉蜀王衍既歸唐莊宗後三辰之誓全其宗族未幾  
信伶人景進之計衍族盡誅幾微之倚伏可不畏哉夫以趙祖  
之遇降主天固巧於報施然建共暫處倨坐苟安舊上正坐危  
疑羈臣猶事沓體而聲氣所逼猜嫌必生豈無李昇之疑或景  
進之計則丞相於舊主不足為情而反為害矣炎午丞相鄉之  
晚進也前成均之弟子員進而父沒退而國亡生雖魏陳東報  
汴之忠死不效陸機入洛之耻丞相起兵次鄉國時有少年狂  
子持斐牘叫軍門丞相察其憂憤而進之憐其親老而退之非  
僕也邪痛惟千載之事既負於前一得之愚敢默於後進薄昭  
之素服先元亮之挽歌願與丞相商之人不七日穀則斃自悔  
嶺以出縱不得留漢腕而從田橫亦當吐周粟而友孤竹至父  
母耶而首丘焉廬陵盛矣科目尊矣宰相忠烈合為一傳矣舊  
主為老死於降耶宋亡而趙不絕矣不然或拘囚而不死或秋  
暑冬寒五日不汗瓜蒂噴鼻死溺死畏死排墻死盜賊毒蛇猛  
虎死輕一死於鴻毛虧一簣於泰山而或遺舊主憂縱不斷趙  
盾之弒君亦將悔伯仁之由我則鑄錯已無鐵墜臍寧有口  
乎嗚呼四忠一節待公而六為位其間聞訃則哭嗚呼傷哉及

張千載持天祥齒髮歸炎午大慟復爲文祭之著吾汝稿梅邊

集

雪樓集云廬陵王幼孫字季稚當文丞相被執時講于驛舍出生祭文一章期以必死著易通一卷

楊士弘字伯謙襄陽人好古學嘗選唐詩一千三百四十首

爲始音正音遺響總名曰唐音其自著有鑿池春草集與豫章

萬白大梁辛敬秣陵周貞鄭大同皆以詩雒名聲相埒

吳正道餘干人深通六經兼明字學能補許慎說文所不足吳

澂嘗問曰模楷二字假借乎曰取義也淮南子草木譜云模本

生周公冢其色正楷本生孔子冢枝葉質直若正與直可爲法

則况在聖人冢乎澂大敬之有六書原六書通正六書淵源圖

字偏旁辨誤存古韻譜諸書澂爲之序

史公琰字摺叟明州人精易理作文有典則同里鄭奕夫以道

學文章自命每有論議必俟公琰鑑定然後出藁隱居數十年

助發程學主肩稟書院遂棄去遊西州一里今自京

盧處士有蓬廬稿易演義及象數發揮若干卷

陳大倫字彥理諸暨州人始學於從兄洙後事吳萊絕意仕進

元季避兵流子里作晚香亭日與賓客暢飲高歌舉座絕倒嘗

語人曰吾平生無他嗜唯攻文成癖孳孳屹屹垂四十年昔之

人如此者何限今安在哉每搔首自傷識者亦共傷之所著有

春秋手鏡尚雅集

李康字寧之桐廬人事母篤孝人稱李孝子工詩文旁及書畫

琴奕無不冠絕一時至正二年郡守馬九臯遣使幣聘不起九

年張奉使高其行又起之復辭及行省宰臣至邑命邑令造請

議事康不得已往極談當時得失欲官之以母老辭有杜詩補

遺桐川詩派梅月齋永言看山清暇集各若干卷

黃玠字伯成定海人幼勵志操博洽無不通隱居教授孝養二親遠近聞其名爭迎致之晚年樂吳興山水之勝卜築弁山自號弁山小隱有知非稿纂韻錄唐詩選行世

迺賢字易之本葛邏祿氏漢姓爲馬世居金山之西後散處內地隨兄瑤海仲良宦江浙遂家明州生平不喜祿仕獨長於歌詩不規規雕刻而溫柔敦厚有風人之致每一篇出士大夫輒傳誦之時浙人韓與玉能書王子充善古文人目爲江南三絕至正間用薦爲編修官有金臺集海雲清嘯集行

丁鶴年以字行其先西域人父職馬祿丁徙居武口因以丁爲

氏年十七通詩書禮三經至正間淮兵渡江襲武口鶴年奉母

行備歷艱阻聞從兄吉雅謨丁爲定海令徒步往告爲省臺交

薦凡九上皆不就旣而方國珍據浙東鶴年深匿治山島賣藥以



自給凡憂君愛國之念皆發之詩歌著有海巢集

沙刺班字敬臣號山齋畏吾人順帝之師也為學士時常侍左

右一日體少倦偃臥便殿側因而就寐帝以藉坐之褥親扶其

首枕之嘗患癩額上帝於金鉢中取佛手膏躬與之貼其隆重

無比能詩文兼工大字每與張翥論文翥多見屈

楊少愚青陽人少好學博通羣書著孝經衍孝編以浦集九華

外史各數卷同邑陳清隱與之齊名數舉不第汗以江湖間嘗

集杜甫詩句為鳳髓集又有九華詩集山堂肆清隱其巖

王立中其先自京兆徙閬州博學善詩文由慈溪林尉遷松江

知府有廉聲所著有息庵寓齋樵隱三集

何失昌平人負才氣能詩文至正間名公交薦以親老不就揭

傒斯雅重其人贈以句曰心事巢由上文章陶阮間虞集見其

所作嘆曰當序而傳之使後之作者亦知世有斯人  
翟炳字欽夫林州人詩效樂天體尤善楷書適劬可法同邑王  
鼎字大蘆賈竹字彥清皆工翰墨能詩隱居不出時稱林慮三  
隱人罕覩其面者故其著作多不傳

程以臨字至可江西寧州人後至元間除將仕郎辭不就天資  
超悟尤長於詩構別墅閉戶著書老而彌篤選補漢魏唐宋諸  
詩名曰刪後正音其自著有瓢丸小集

王原杰字子英吳江人至正間領鄉舉值軍 樂仕著春秋

戴義十二卷其文曰貞白英華集詩曰水雲清泉集

王逢字原吉江陰州人才氣爽俠以能詩名於時至正中作河  
清頌臺臣薦之稱疾辭晚年避亂上海之烏溼築草堂以居自  
號最閒園丁又稱席帽山人有梧溪詩集七卷記載宋元之際

人才國事多史家所未備

黃庚字星甫天台人嘗入詩社試枕易題推第一所著有月屋漫藁其自序曰僕齟齬時習舉子業不暇爲詩自科目廢始得脫屣塲屋放浪湖海凡平生豪邁之氣盡發而爲詩若醯雞之出甕天坎蛙之出蹠涔而遊江湖也其風致清遠用意推敲不媿騷壇領袖

蒲道源字得之號順齋世居眉州之青神幼強記過人究心濂洛之學嘗爲郡學正罷歸晚以遺逸徵入翰林改國子博士歲餘引去起提舉陝西儒學不就優游林泉病弗御醫藥飲酒賦詩而逝仲子機爲秘書少監哀其遺文曰閒居叢藁二十六卷黃潛爲之序稱其以性理之學施爲臺閣之文光輝自不可掩

陵川集云延祐五年道源爲編修官言郝經續漢書黜曹魏而使昭烈上繫漢統扶植綱常有禪世道卽詔道源監刻行世

謝宗可金陵人有咏物詩百篇傳於世皆婉秀有思致汪澤民題其卷謂綺靡而不傷於華平淡而不流於俗

岑安卿字靜能餘姚人所居近栲栳峯號栲栳山人與李季和危太樸相善嘗作三哀詩弔宋遺民之在里中者寄託深遠其昆季多以科名顯而靜能獨淪落不偶然兵火之餘顯達多不傳而栲栳山人集遺詩尚有贈炙人口者

洪希文字汝質莆田人父德章號吾圃宋貢士初爲興化教諭會兵亂父子同居萬山中朝脯孟飯燒芋咬菜相倡和無慍色德章有集曰軒渠希文因自號續軒渠集又號去華山人稿皆自成一家機軸

孟昉字天緯本西域人寓居北平至正中山翰林待制官南臺史工書法有孟待制文集多歌曲精究聲韻之學



劉友益字樂三永新人宋亡卜築萬山間杜門不與世接著通鑑綱目書法五十九卷研精覃思歷三十年而後成揭傒斯稱之曰百世而下先生此心先生不作山高水深

趙居信字季明許州人少穎敏過人英宗至治三年丞相拜住薦其爲碩德老儒徵拜翰林學士承旨所著有經說史評蜀漢本末理學正宗禮經葬制等書卒諡文簡

鄭元祐字明德遂昌人兒時以乳媪失手傷右臂比長能左手作楷書規矩備至自號尚左生僑居平江聲氣雲集文酒之會記序多推屬焉所著有遂昌山樵雜錄其詩曰僑吳集

胡天游名乘龍以字行別號松竹主人岳之平江人本文獻世家子有俊才七歲短吟具作者風力名藉一世然負高氣孤立峻視不肯一起取斗祿扼腕當時俯仰太古鳴之歌什有沈湘

蹈海之概其詩名傲軒吟橐晚歲益自矜其徘徊亂世以緬想  
太平之心更作述志賦以寓長飲之恨云

周霆震字亨遠安成人父以道篤志古學宋亡遁跡石門田西  
震績其世學益歛英華專意古文辭每屬文不起草而用意精  
刻至正中遭亂其感時觸事之作皆可爲國史補晚年自號石  
西子有石初集十卷謂石門吾先志不忘本也

紇石烈希元本遼巨族隱居成都篤志窮經於易象春秋二書  
精考密察深得先儒不傳之秘一生安貧樂道不務虛名所作  
詩文甚富未嘗出以問世每閉門考擊殊有志於三代禮樂謂  
百年可興大德初柳貫爲奉常特舉以自代

潘音字聲甫天台人生十歲聞崖山之變昏迷不食者累日憂  
而絕意進取掇野蔬以自給躬耕世田十餘畝非其力不食也

築室南洲山中扁其軒曰待清或勸之著述曰六經語孟先儒  
所言備矣吾何以注脚爲居閒讀書有得往往筆之壁牖間至  
正三年詔徵天下遺逸廉訪使檄贊之行固辭嘗嘆曰泉石膏  
肓非其時莫可療也有待清軒遺稿及讀書錄

郭鈺字彥章吉水人壯年負盛氣爲詩清麗有法其於離亂窮  
愁之作尤悽惋動人年逾六十竟以貧死其春夜寒詩序云余  
值時危一窮到骨今春雨雪連旬擁牛衣以當長夜遂成疔瘡  
亦可哀已所著靜思集詩文甚富

舒頔字道原績溪人年十五六與同郡程文講明經史之學後  
至元中辟貴池教諭秩滿轉台州學正時艱不仕奉親攜書歸  
遁山中嘗輿親避寇巖谷被執頔正色叱賊賊感而釋之其詩  
盤桓蒼古不貴纖巧織紵之習字尤喜樸拙識者曰宗漢隸非

入法也學者稱貞素先生有華陽貞素齋集七卷

楊維禎字廉夫諸暨人泰定初進士署天台尹罷去張士誠據浙西累使求致不能屈且撰五論反復告以順逆成敗之說識者韙之生平氣度高曠喜戴華陽巾披羽衣周遊山水間以聲樂自隨早歲屏居吳山鐵冶嶺築萬卷樓轆轤傳食讀書其上者五年故以鐵崖自號已得鐵笛於湘江吹之亦號鐵笛子文辭非秦漢弗之學久與俱化晚年築蓬臺于松江東南才俊士投贄求文者無虛日當疾急撰歸全堂記頃刻立就擲筆而逝著有四書一貫錄五經鑰鍵春秋透天關禮經約歷代史鉞二百卷詩有瓊臺曲洞庭雲間雜吟五十卷

李昶字一初茶陵州人元統初登左榜進士第一應奉翰林文字母老就養江南改婺源州同知以母憂歸隱永新山中年七



餘遭兵亂被傷而歿總制新安余茂刻其遺文為雲陽先生集十卷同榜王禮字子讓廬陵人元亡不仕日以鐵拄杖採詩山谷間著作甚富不求聞於時故所傳絕少

戴良字叔能浦江人少事舉子業尋棄去專心博古學文於柳

貫黃潛學詩於余闕皆得其師承至正中以薦授江北儒學提

舉而浙東已陷乃避地吳中久之挈家泛東海渡黑水憇登萊

求間行歸值道梗不得達僑寓昌樂數載訪求齊魯間豪傑奮

欲有為而卒無所遇晚年南還變姓名隱九靈山下有九靈山

人集三十卷一統志云有春秋經傳考和陶詩 金華正學編載夏正辨謂周

李延興字繼本先世本中州元初占籍北平父士瞻為翰林學

士承旨延興少負詩名成至正丁酉進士授太常奉禮兼翰林

檢討中原俶擾隱居不仕河朔學者多從之以師道尊於北方

有一山文集

王冕字元章號煮石山農諸暨田家子也年八歲父命牧牛隴上竊入學舍聽諸生誦書聽已輒默記暮歸忘牛父撻之已復如故安陽韓性聞而異之因錄爲弟子通春秋諸傳一試不第卽焚所爲文常着高簷帽披綠蓑衣履長齒木屐或騎黃牛持漢書朗誦人皆目爲狂北遊燕有欲薦以官職者冕曰不滿十年此中狐兔遊矣何以祿爲卽遁歸隱九里山結茅三間自題爲梅花屋嘗倣周禮著書一卷坐臥自隨賦詩千百言立就善畫梅自書所題其上人爭寶之

樵書云明兵攻城界至軍前直言而死

張憲字思廉山陰人別號玉笥生負才不羈嘗走京師劄言天下事衆駭其狂還入富春山混緇黃以自放張士誠據吳辟爲鄱事吳亡變姓名走杭州旦暮手一編人不得窺死後視之其

生平所作詩也楊維禎曰吾鐵門稱能詩者南北凡百餘人求其似憲者不能十人有玉筍集皆懷古感時之作

周之翰字申甫華亭人精易學自號易癡道人兵興隱居神山作乾坤闔闢天地生成陰陽變化山川流峙四圖并贊以發明其蘊奧講授鄉里晚涉老莊乾竺等書無不通貫

李存字明遠安仁人穎悟該博好為古文詞與貴溪祝蕃遠舒元易吳尊光同游上饒陳立大之門號西江四先生葺書室曰

竹莊決計長隱秘書李孝光舉以自代不起有煥庵集三十卷

按錢謙益列朝詩集謂存卒于洪武甲者誤也危素所撰墓志年月甚明

甘復字克敬餘于人至正之亂張仲舉為居雲錦山復與甘彥初張可立往從之遊仲舉少許可獨推重三君為士林遺逸復

與彥初詩多流傳惟可立不著

顧德輝字仲瑛別名阿瑛崑山人少輕俠通賓客年三十始折節讀書購古圖籍彝器鑑賞自隨舉茂才署會稽教諭不就卜築玉山草堂供張亭榭之盛甲天下日與高人觴咏都爲一集曰玉山名勝又會萃其所得歌詩曰草堂雅集張士誠據吳避隱合溪母喪歸張氏再辟辭不獲乃髡髮廬墓號金粟道人臨卒自爲壙志戒其子以紵衣桐帽屨布襪纏裹入土同郡唐元字本初嗜古博雅有船號一草杭浮遊江湖日哦詩其中每過阿瑛溪上必繫舟談笑終日詩見草堂雅集

張樞字夢辰陳留人徙家華亭絕室口讀書莊與諸弟倡和爲業兼工行楷貝瓊作傳云陳留張氏子夢辰居華亭之號東園其子數十輩請春秋或勸之社不應人以是高之



其惟善字思復錢塘人長於詩學至正辛巳鄉試

江賦鎖院三千人皆不知羅經經爲曲江卽錢塘江也惟善自

枚乘七發爲據謂發源太末大爲主司所稱山是得名號曲江

居士又自稱心白道人著有江月松風集十二卷官至副提舉

張士誠據吳退隱吳江之筒川工書法其卷間多留傳人間者

華亭陸居仁字宅之以詩經中水定丙寅鄉試自號雲松野

褐與惟善楊維禎遊歿同葬於山陰麓號三高士墓

張昱字光弼廬陵人早游湖海爲虞集張翥所知累官杭省左

右司員外郎日以詩酒自娛超然物表後棄官歸張氏禮致不

屈策其必敗題蕉葉以寓志居西湖旁放舟湖心把酒扣舷自

歌其所爲詩笑曰我死埋骨於此題詩人張員外墓足矣自

號可閒老人年八十三而終有左司集

陶宗儀字九成黃巖人父煜爲福建行元都事九成幼好古灑  
落不凡少舉進士一不中卽棄去工文字尤刻意字學至正間  
浙帥泰不華南臺御史丑問辟舉行人官皆不就後避兵三  
吳間藝圃一區躬耕之暇每以筆墨自陪時輟耕樹陰抱膝而  
嘆每記一事輒摘葉書之貯一破盎去則埋於樹根人莫能測  
如是者十年餘遂累盎至數十一日盡發其藏萃而錄之合三  
十卷題曰南村輟耕錄又有說郛一百卷言史會要九卷四書  
備遺二卷其未脫稟者不與焉

冊曰言以載道正史獨缺文人心口忍湮滅廣羅博取  
各以類列一代作家庶傳累葉

李旬金字仲和號竹山溧水人宋進士爲無爲軍節制官入元  
不化工書法所撰有稽古韻及存古正字編傳於世

金應桂字一之號蓀璧錢塘人爲宋縣令元初隱居風篁嶺著書垂老楷書師歐陽率更體純熟畫學李龍眠嘗作巖居上真出塵觀音刻石性高亢不肯爲人下筆故傳世者絕少龔開字聖與號翠巖淮陰人宋兩淮制置司監官入元不仕性耿介不同流俗作古隸得漢魏筆意畫山水師米人馬師曹霸描法甚龔尤喜作墨鬼鍾馗等像奇變自出一家嘗爲文天祥

陸秀夫作傳時稱班固手筆

鮮于樞字伯機號困學民漁陽郡人官太常典簿面帶河朔偉氣每酒酣驚放吟詩作字奇態橫生善行草趙孟頫謂樞蚤年嘗作吏故所書間有俗氣曾見手編草韻下用小楷音釋類鍾元常殊不易得云樞嘗於廢圃得怪松一株移置屋前呼爲支離叟日夕與之相對所著詩文名困學齋集子去矜孫端皆以

能書名

有邊武字伯京吳里字處仁洪恕字主敬蔣惠號紫芝山人行草專學伯機時有亂真者

柯九思字敬仲號丹丘生天台人官奎章閣鑒書博士能詩文

善楷書並畫竹木筆勢生動論者謂文與可後一人每得意輒

題詩其上一時珍貴稱三絕雅好填詞有北曲十二本文宗至

順三年御史臺劾其賦性矯譎挾末技以趨權門遂罷官

杜敬字行簡大梁人後寓杭與鮮于伯機趙子昂為友善鑒古

器物有清裁好鼓琴知音律尤長於書喜蓄古名人墨跡歷代

金石刻甚富大冠長裾優游吳山文酒間晚號夷門老人

周巖

一作周仲巖

蘄黃人幼端方博識古文於篆隸尤癖嗜世家大

族有古本藏書不遠千里赴之必期得見一經別白輒能指其

神妙遠近碑刻藉手以為寶重然有求書者或非聖賢理道雖

百計懇卒不與儒者以是多之故所行世亦絕少



劉致字時中河東人官翰林待制風情高簡蚤負聲譽能篆有  
所著復古糾繆編傳世行草宗晉人而不純熟

宣昭字伯綱號良齋漢東人有雅行精通古今於天文地理陰  
陽術數百氏之學無不諳詣尤精翰墨正書能備八法

班惟志字彥功號恕齋大梁人初徽仁裕聖皇后以泥金寫大  
藏經學士鄧文原舉惟志入經局補州教授累官集賢待制早  
歲宗二王筆勢翩翩不失書家法度晚年學黃華應酬塞責文  
宗嘗評其書謂如醉漢罵街

周馳字景遠聊城人官燕南廉訪僉事雅瞻經術嘗爲南臺御  
史分治過浙日與朋友周旋每有往復其書吏記之壁間以示  
風刺馳名謂曰人所以讀書爲士君子者正欲爲五常主張也  
使我今日謝絕故舊是爲御史而廢一倫寧失御史不可滅人

理也善作行草婉約豐妍

周砥字履道無錫人博學工文詞正行草書運筆分布勻穩兵亂避地與義興馬治交厚往舍荆溪山中治爲治具巾車泛舟窮陽羨溪山之勝有荆南倡和集義興多富人與治善者咸置酒張樂名砥砥心惡之一日貽書別治夜半遁去歸吳中與高陽諸人游書畫益工已又去之會稽歿於兵

宋季子以字行臨川人能古隸嘗增廣宋婁機漢隸字源及撰兩漢字統凡十二卷明州袁裒字德平嘗著書學纂要使游藝者知所取法兩人名並一時

盛熙明其先鮮卑人後居豫章篤學多材工翰墨能通六國書至正中嘗以所編法書考八卷進上覽之徹卷命藏中秘

申屠澂字敬仲諸暨人謹言端行爲鄉里所重性寡合望之容

色毅然至有所請則溫煦和婉辨析必盡工古文體存容則真

精篆籀小楷咄咄秦晉碑本路教授辭不行晚節益堅有遺世

獨立之意所著有孝全撫言數卷書史會要載善古篆隸者有

隸偏旁點畫辨王翼字元徵號華陽生金壇人有所篆四書

張璩字公弁保定人官集賢大學士篆書淳古趙期頤字

子奇官西臺治書侍御史工篆董倫字安常篆宗周左丞楊

益字友直官臨江路總管其古隸學廬江太守碑俱沐人第

惠官南臺御史善大小篆湯樊號箕山劉陽人進士及第

能篆張伯仁字至道閩人善篆及行草書宋璩字仲珩金

華人大小二篆純熟姿媚行書亦有氣韻王廉字熙陽括蒼

人能兼篆隸祖子靜平江人篆師二李吳獻字孟思錢唐

字子善官上海主簿楊彝字彥常官翰林編修楊遵字宗正李

林字九臯莫昌字景行俱善篆隸李處巽字元讓東平人能

小篆王禮字禮仲維揚人篆宗張謙中夾谷希顏龔觀並

江右人王篆余襄鄱陽人王篆其大字尤精張體字孟庸

江陰人隸書學李重光金錯刀法時作顛學勢雙鈎亦純熟

趙儼字子威真定人官翰林學士余謙字巉山池陽人官江浙

儒學提舉石巖字民瞻京口人官縣尹隸書俱學韓尚書王

務道字弘本山陰人吳志淳字圭一曹南人古隸俱學孫叔敖

碑李有一

義字仲方燕京人官兩浙鹽運司經歷王古

文翰二

續弘治金... 卷三十一... 三

隸枯木竹石意尤高遠 顧祿字謹中華亭人工於分隸其行

楷學蕪文忠 劉堪字子輿樵李人歐復字伯誠鄱陽人艾斐

字季成臨川人張文盛字彬之秣陵人曹莖字子學東平人李

介石字守道天台人隸書俱得古法 善真草篆隸者有陸友

字友仁錢良右字翼之錢達字伯行盧熊字公武俱平江人朱

芾字孟辨陳璧字文東俱華亭人鄒偉字元偉江右人真草篆

隸悉合規矩 章弼字共辰亦華亭人未十歲即能扁榜大字

及長真行草篆俱師趙魏公 善八分書及大字者有鄭杓字

子經甫田人能大字兼工八分有所著衍極行世 在正字大

唯四明人專精八分書 牛麟字伯祥太原人京畿都漕運使

畫墨竹意亦蕭散 趙鳳儀字瑞卿號怡齋官京畿都漕運使

李敏中字好古官陝西行省郎中俱泚人汪從善字國良錢唐

人官郤武路總管宗椿字壽卿山左人官南臺照磨皆工大字

善真行草書者會遇字心傳華亭人官安吉主簿至元末被選

入京書泥念字藏經同鄉衛德辰字立中書學舍利塔銘從子

仁近字叔剛楷書學黃庭經曹永字世長正書學鍾元常行草

宗二王曹衡字士望木氣雋逸作真草蚤得時譽 傅若金字

汝礪新驗人官廣東廉訪照磨正書學歐陽率更 詹希源字

孟舉其先徽人徙居都門正書師虞永興富有繩墨字愈大愈

有神力 吳雲字友雲義興人官太子司經陳謙字伯謙天官

人膝權字用衡姑胥人正書皆宗虞永興權亦能篆 俞鎮字

伯貞嘉興人官建德縣尹陳子輦字象賢奉化人陳德永字

夏黃巖人書法並宗李北海 夏日致字仲善吉安進士官

清縣尹楷學顏魯公 王默字伯靜華亭人書學趙魏公



甚捷 胡益字士弓官參知政事真草師趙魏公都下碑刻

出其手 朱振字良玉草學聖教序真師趙魏公並鄱陽人

瑤章德懋俱與魏公同時每為代筆 俞和字子中號紫芝生

鄔道禮字行義皆武林人行楷並師趙魏公 陳達字元達永

嘉人官秘書少監陳睿字思可鄭炳字元炳謝肅字元功唐肅

字處敬陳宗亮呂中立俱會稽人卓習之慶元人正書並師二

王名著浙東先後相望 倪中字中愷信州人官翰林待制正

書端謹清潤 張瑄字藻仲江陰人行楷有法 羅元字居仁

平江人從容澹靜行楷有晉人風致 唐志大字 伯剛落筆峻

激畧無滯思鄧學可龔肅字法悉規模晉宋各臻其妙並維揚

人 張仲壽字希靜號疇齋錢唐人官翰林學士承旨行草宗

義獻甚有典則亦工大字同邑范居中字子正黃中字彥美皆

善真草書 程君寶灤源人草書得顛素體 宋廣字昌裔南

陽人草師懷素惜其常作十數字相連不斷非古法 胡布字

子申善草書高翼字茂之官嘉興路推官善真行草書並河南

人但翼不知六書偏旁時 診字為有識所鄙 張衡字士衡

樂陵人官中書省員外郎 晉師張長史又善山水墨竹 易

履字安道茶陵人葉見泰字夷仲丹丘人鄭禧字熙之宋克字

仲溫俱平江人葛慶龍居越中號越臺洞主端木智字孝思

右人並工草書 饒介字猗之鄱陽人博學有口才草書亦

逸 楊元正吉水人官翰林檢討善行草書其隸法師蔡邕

積所重 李章字君章東平人善書法兼畫墨竹有高致 章

從訓字義方官江陰州尹俱鄆城人段天佑字吉甫沛人官

賣江甯條 卷三十六 三 文翰二

浙儒學提舉林鏞字叔大官江浙行省員外郎張翼一名  
翼字翔南俱嘉興人徐子愚吳興人翰墨並有聲於時

李衍字仲賓剡丘人別號息齋道人博學多通官江浙行省平  
章少時見人畫竹從旁窺其筆法始若可喜旋覺不類輒嘆  
捨去後從黃華子澹游學已觀華所畫墨蹟又迥然不同乃復  
棄去至元初來錢唐得文同一幅欣然願慰自後一意師之兼  
善畫竹法加青綠設色嘗曰墨竹畫竹皆起於唐自吳道子以  
來名家纔數人王右丞妙蹟世罕其傳蕭協律雖傳昏腐莫辨  
黃氏神而不似崔吳似而不神惟李頗形神兼足法度該備然  
文湖州最後出不異杲日升空燭火俱息黃鐘一振瓦釜失聲  
矣後使交趾深入竹鄉於竹之形色情狀辨析精到作畫竹墨  
竹二譜凡粘幘礬絹之法悉備子士行字遵道官黃巖知  
枯槎竹石得家學而過之尤善山水

陶復初字明本別號介軒老人官台州儒學教授博綜羣書  
才就小篆師徐張古隸師鍾梁圖繪專師李蘄丘父子作墨竹  
及着色竹皆工亦能山水從子宗暹一名文昭字晉生官江甯  
儒學提舉書畫並擅一時

志云復初官樂清縣尹  
宗暹官秘書監典簿

王振鵬永嘉人工畫山水人物尤精界畫文宗詔繪殿壁稱旨  
欲官之不受賜號孤雲居士時人重其品以幣交者履錯戶外  
苟非其人未嘗輕點一筆所傳春明奪標圖與清明上河圖同  
價嘗奉詔作十妃冊藏之內府天台衛九鼎能得其傳

陳仲仁江右人官陽城主簿少負逸才喜翰墨爲湖州安定書  
院山長日與趙孟頫論畫法孟頫多所不及後見其寫生花鳥  
含毫命思追配古人嘆曰雖黃筌復生亦復爾爾

王淵字若水號澹軒錢唐人幼習丹青嘗侍趙孟頫多得指教

續引館錄 卷三十一  
三  
故落筆皆師古人無一毫院體山水師郭熙花鳥師黃筌人物師唐人各極神品其淺墨花鳥竹石尤當代絕藝

高克恭字彥敬號房山其先西域人後居燕京官刑部尚書善畫山水始師二米後學董源墨竹宗黃華皆有古趣怪石噴浪灘頭水口烘瑣潑染作者鮮及一日與客遊西湖見素屏潔雅乘輿寫奇石古木數日後趙孟頫爲補葺竹虞集題詩其上此圖遂成三絕世爭寶之錢唐周如齋學山水獨稱高弟

錢選字舜舉吳興人幼有文名善人物花木翎毛師趙昌青綠山水師趙千里且善作折枝其得意者自賦詩題之小楷亦有法門人沈孟堅師其花鳥往往逼真

蘓大年字昌齡以字行真定人僑居揚州元末官翰林編修亂後避兵居吳張氏開濟特用爲參謀稱蘓學士先吳亡而卒



詩文尚氣不喜其... 江海襟懷晚年自號西... 稱...

主竹石師東坡松木師廉宣仲畫家宗之

倪瓚字元鎮號雲林生無錫人詩名傳聞館閣間晚年益肆力

吟咏不蹈襲前人軌轍書過黃庭畫法入巨源之室嘗自題其

畫竹云人每愛余竹余之竹聊以寫胸中逸氣耳豈復較其似

與非葉之繁與疎枝之斜與直哉或塗抹久之他人視以為麻

為蘆僕亦不能強辨為竹生平強學好修所居清閼閣藏書數

千卷皆手自勘定鼎彝名琴陳列左右松篁蘭菊敷紆繚繞性

好潔盥頰易水冠服振拂日以數十計見俗士避去如恐免至

正初天下無事忽盡鬻其家產得錢推與所知親故人皆笑之

及兵興富家皆被掠瓚獨扁舟箬笠往來湖泖間人始服其先

見有清閼閣遺稿有陳栢者被命監鑄祭器來杭州瓚慕其名張燕湖山間餽米百石栢命從者舉豆觥引

伎樂悉分散之顧贊曰自在京時卽  
熟爾名蓋以米沽之也遂絕不與交

黃公望字子久常熟人幼習神童科通百氏說旁曉諸藝酷好  
漢唐以來筆墨善畫山水師董巨源運思落筆氣韻流動晚年  
變其法自成一家山頂多巖石別出人意表後至元中江浙廉  
訪使徐琰辟爲書佐以罪逃去爲黃冠教授吳越間談儒墨黃  
老以口辯屈人更名堅號一峯每作一圖輒廢寢食忘應對又  
自稱大癡道人放浪江湖年八十餘卒有畫訣傳世華亭張中  
字子正山水師其筆意往往神肖亦善墨戲

王蒙字叔明吳興人家住黃鶴山下故號黃鶴山樵趙孟頫甥  
也能詩文不尚矩度頃刻數千言可就畫山水得外氏法秀潤  
可愛亦偶作人物瀟灑大雅生平不用絹素惟於紙上寫之其  
得意之筆常用數家皴法山水多至數十重樹木不下數十種

登路迂迴烟靄微茫山盡山林幽致後官泰安知州廳事後  
樓面泰山蒙張絹素于壁興至捉筆三年而圖成有陳汝言畫  
夙善詩畫一日過訪方展圖雪大作欲改爲雪景而難於設色  
汝言沉思良久曰得之矣爲小弓夾粉筆張滿彈之儼如飛舞  
蒙遂叫絕題曰岱宗密雪圖蒙與汝言皆不得其死

吳鎮字仲圭嘉興人性高介隱居不仕工辭翰尤善畫山水竹  
石亦喜作墨花每題詩其上當時稱爲二妙有勢力者求之多  
不得惟好贈貧士使取直焉晚年愛梅白稱梅花道人未歿時  
嘗自題其墓曰梅花和尚之塋

華光仁老性癖愛梅其方丈列植數本每花放時吟咏其下月  
夜見窗間疎影橫斜輒用素張之以筆規其狀凌晨視之殊有  
月下之思因此得其三昧標名一時著有口訣取象一丁二體

三點四向五莠六枝七鬚八結九變十種諸論傳世每寫時必

焚香禪定意適則一掃而成其披風帶露諸作尤為人所稱賞

圖繪寶鑑載朱德潤字澤民吳郡人官征東儒學提舉唐棣字

子華吳興人官休寧縣尹劉融字伯熙蘄丘人官秘書卿沈攸

吳古松俱杭州人畫山水並學郭河陽其合作者神似自然

老人姓劉氏遺其名神州人工墨竹禽鳥顧正之不知何許

人善墨竹學樂善老人劉敏字有功宣德人賜號龍門居士自

號年豐老人正之門人也有嵐烟夕翠圖傳世李調字士弘

號員嶠真逸河東人官集賢學士墨竹宗文湖州史杲字柔

明苑橋齋道州人官行省左丞工人物山水翎毛顧安字定

之官泉州路判官胡瓚字元禮官衡州路同知趙以號太初道

人又云靜華翁官湖南宜慰使作墨竹長竿勁節風致並佳

宋敏戈叔義朱梅間俱善花竹劉貫道字仲賢中山人工畫

道釋人物鳥獸集古諸家之長至元十六年寫裕宗御容稱旨

補御衣局使冷起岳居京師工傳神至正間嘗寫御容稱旨

陳鑑如居杭州為寫神第其子芝田能世其業王釋

字思善杭州人長於小像與金陵潘桂名並一時楊說嚴畫

道釋尤工寫貌宋嘉禾好為和而仙官和尚骨格態度俗工

黃及趙清澗許擇山工人物士女何大夫上人馬虞集詩

云國朝畫手何大夫親臨伯時墨馬圖王仲元專門花鳥尤

善繪小景楊月淵兼畫龍虎馬虛中好作山水人物學李伯

龍工馬雜技在燕則有李士傳字仲芳山水人物學李伯



善畫松廟墨戲 韓絡聘字子平官御林直學士山水學

成墨竹學樂善老人 焦善甫工花竹人物尤喜寫山水學武元

直善作折枝傅色傲趙昌 謝顯到廣之墨竹字員大元

南有郭敏字伯達畫人物山水喜八元直師其子花竹墨竹亦

臻神境官至州倅 田衍字師孟墨竹學黃滌游 賈策字治

安嘗為和縣尹畫花竹禽鳥得飛鳴翔集狀 山左有柴楨

字君正號適齋善寫山水不習而工 信世昌字雲甫號中隱

山水學沈士元有出藍之譽墨竹別成一家蓋黃華之後又一

變者 趙元字善長山水師董源 金陵有陶鉉號菊村山水師李

成 趙元字善長山水師董源 金陵有陶鉉號菊村山水師李

張遊字仲敏號溪雲善畫竹作鉤勒法妙絕當世 山水學巨然

和號雪村善墨竹 陳植字叔方布樹石甚有意趣 華亭有

張遠字極巖工山水人物潛補古畫無出其右臨摹亦能亂真

白字貞素號雲西山水師馮覲 張觀字可觀世業稜作畫山

水長於模倣 任仁發字子明號月山官都水庸田副使以畫

馬得名書宗李北海 錢唐有張渥字叔厚號貞期生善白描

人物 係君澤山水人物學馬遠夏珪 周密字公謹號草窓

宋寶祐間為義烏令好作梅竹蘭石賦詩其上 戴淳字厚夫

善畫山水 吳屋字從禮臨摹院畫咄咄逼真 曾瑞卿號褐

夫山水學范寬 馮君道善寫翎毛性酷嗜鶴鷓 文翰二

其飲啄以資筆意  
溫日觀西湖瑪瑙寺僧喜畫蒲萄其枝葉

鬚梗皆具草書法  
嘉興有盛懋字子昭畫山水人物花鳥始

學陳仲美稍變其法  
精緻有餘吳璫字瑩之能作窠石墨梅

學楊補之多逸趣  
周堯敏字禹卿號學山風竹宗文湖州時

有得意處  
王鼎字德新好寫竹學丁子卿深悟筆意于泰之

號竹趣能紹父業  
沈雪坡好寫梅竹林伯英花鳥師樓觀

吳興有張文樞字石隱  
幼嘗為僧山水學巨然亦善竹

愷字士元山水師李成  
孟玉潤姚彥卿吳庭暉畫青綠山水

花鳥多極精密  
浙東有王廸簡字庭吉號叢隱喜作水仙

王英孫字才翁作墨竹  
蘭蕙雅潔不凡俱越州人姚雪心天

台人作墨竹宗文湖州  
顧輝字秋月江山人工道釋人物

夏廸字簡伯善山水竹石  
趙雪巖喜作花鳥設色有法亦善

墨戲俱溫州人  
蜀中自劉夢良畫梅宗楊補之趙天澤字

鑑淵好畫梅竹  
華岳善寫山水楊載詩云華岳能詩世有名

學畫丹青亦疎放  
霍元鎮筆意規模輩北苑米南宮父子

朱裕字敏道李冲字用之  
畫法並師李成陳立嘗畫龍眠山

圖虞集跋其後  
劉耀丁野夫山水學馬遠夏珪林士能

張義上王起宗沈月田吳梅山李容瑾界畫俱師王孤雲

調漢卿解州人工樂府著北曲六十本世稱宋詞元曲然詞在

唐人已優為之惟曲自元始有南北十七宮調相傳當年取士

有填詞科主司定題目并限曲名及韻其賓自則伶人自為之

一時文人才士輩所撰雜劇計五百四十九種皆精審於字之

陰陽韻之平仄可以被管絃協律呂為太平勝事又曰昇平樂

涵虛子曰元羣英樂府各有其目馬致遠漢宮秋等十三本如

鵬搏九霄白仁甫梧桐雨等十七本如朝陽鳴鳳李壽卿臨岐

柳等十一本如春曉洞天喬孟符金錢記等八本如神鰲鼓浪

費唐臣貶黃州等三本如三峽波濤宮大用托公書等六本如

西風鵬鸚王實甫西廂記等二十二本如花間美人張鳴善瑤

琴怨等二本如彩鳳刷羽鄭德輝細柳營等二十本如善漢晴

雲鄭庭玉送寒衣等十一本如九天珠玉庾吉甫蘭昌宮等十

六本如奇峰挿天高文秀麗春園等三十五本如朱霞散綺王

仲文五丈原等十一本如劍氣騰空李文蔚魚鴈傳情等十本

如開雲出岫楊顯之瀟湘夜雨等十本如玉笛橫秋趙文寶七

德舞等六本如藍川美玉紀君祥松陰夢等八本如雪裏梅花  
吳昌齡辰勾月等十五本如庭草交翠范子安竹葉舟等二本  
如空谷鳴泉武漢臣玉壺春等十二本如遠山疊翠于伯淵珍  
珠旗等六本如新柳黃鸝李直夫虎頭牌等十三本如梅邊月  
影難景臣千里投人等三本如鳳管秋聲金志甫西湖夢等八  
本如西山爽氣秦簡夫玉溪館等四本如峭壁孤松沈和甫蕭  
湘八景等六本如錦屏孔雀石君寶曲江池等十本如羅浮雪  
海石子章竹牕雨等二本如清風爽籟戴善夫翫江樓等五本  
如老鮫泣珠尚仲賢柳毅傳等十本如山花獻笑王子一楚岫  
雲等四本如長鯨吸川谷子敬城南柳等三本如岷山片玉當

時前稱傑構惜其人本末無考按臧晉叔曰元以曲取士設十有二科其說甚為無據自至元八年設國學出策題試問所對精通者為中選皇慶二年制科舉第一場蒙古色目人試經問五條漢人南人經疑二問經義一首第二場蒙古色目人試策一道漢人南人古賦詔誥章表內科一道第三場漢人南人試策一道皆用經書時務為題並無詞曲一項此明證也

夏文彥字士良由吳興徙雲間好古嗜學尤篤愛繪事家藏翰墨最富當時賞鑒家隨其甲乙以定高下無毫髮爽乃自史皇

封膜而下訖於有元刊冗補闕釐為五卷名圖繪寶鑑

麥宗麗江麼步人生七歲不學而知文字及長徧通外番諸種

書契下及禽鳥語或聞鈞駟格磔之聲能道其呼鳴之故試之

輒驗滇中稱為異人子良從征大理有功授副元帥世鎮其土

冊曰書列六藝畫奪神工由來學者不厭旁道填辭小道

一代宗風詎曰末技紀可無庸

續弘治錄卷三十六終



續弘簡錄元史 篇卷三十七

皇清詹事府少詹事仁和鄒遠平戒山

旌德一 忠節

石珪 李伯溫 附守正 守忠 耶律忒末 子天佑 攸興哥 任志

梁直 賄魯華 抄兒 杭忽思 阿散真 庫祿滿

鄭義 扎忽帶 張萬家奴 月里麻思 附唐慶 楊傑只哥

趙阿哥潘 趙匣刺 伯八兒 鞏彥暉 合刺普華

蔡公直 劉天孚 蕭景茂 周鏗 附謝魯 聶炳 附明安達爾

俞述祖 丑間 附馮三 闕文興 野峻台 孛羅帖木兒

上理牙敦 附上都 星吉 渤海 附黃紿斗元 李黼 魏中立

泰不華 樊執敬 桂完澤 王簡 子相 陳君用 彭庭堅

劉濟 子健 汪澤民 劉璘孫 褚不華 王士元 卞琛

石珪泰安新泰人世以耕讀爲業體貌魁偉倜儻不羈金主遷  
汴兵戈四起珪率少壯負險自保與滕陽陳敬宗結義山東宋  
將鄭元龍以兵來攻珪敗之于毫陽乘勝入盱眙會宋賈涉誘  
殺漣水軍統轄季先人情不安衆迎珪爲帥稱太尉太祖遣使  
與宋議和珪令麾下劉順直抵壽州入覲太祖慰勞順且  
敕珪曰如宋和議不成吾與爾永結一家之好吾當遲汝順還  
告珪心感服日夜思降未幾宋果渝盟珪棄其妻孔氏子金山  
杖劍渡淮宋將追之曰太尉廼當完汝妻子珪不顧宋沉其妻  
于淮珪遂率順來歸木華黎承制授珪濟兗單三州總管後  
金棄東平珪與嚴實分城內南北守之收輯濟兗沂勝單諸州  
加山東諸路都元帥移治曹州與金將鄭從宜連戰數晝夜糧  
絕援兵不至軍無叛意珪臨陣馬仆被擒囚至汴金主壯其人

諫以名爵欲使揖珪憤然曰吾身事大朝官至光祿復能受他國封邪假我一朝當縛爾以獻金主怒蒸殺于市其麾下立社兗州祀焉子天祿襲封與宋將彭義斌金將武仙戰屢捷後破考城圍歸德從攻蘄黃皆功居首改征行千戶

李伯溫大寧義州人守賢之孫毅之子也長兄惟則官平陽征行萬戶次伯通太祖九年錦州張致叛木華黎命擊之大戰城北死焉伯溫行平陽元帥府事鎮青龍堡專任東征聞平陽已陷弟守忠被執選驍勇拒守久之金兵盡銳來攻守卒多夜遁李成開水門導敵入伯溫登堞樓謂左右曰吾兄弟仗節擁麾受方面之寄今不幸失利當以死報國吾弟已被執我不可再尋汝等宜自逃生卽拔劍殺家屬投井中自引刀植柱刺心而死金兵登樓見其抱柱如生無不嗟嘆子守正幼嘗質於木華

黎後為平陽守活俘獲甚眾以功授河東南路兵馬都元帥太  
宗二年止黨晉陽合兵攻汾州將陷守正以義赴援眾寡不敵  
別遣老弱百人曳柴揚塵多張旗幟敵懼遂解去汾人持牛酒  
迎犒曰幸公完是州德甚大願奉是州以從隰州叛守正往擊  
之中矢傷足歸創甚會金將完顏合達攻平陽守正裹瘡戰歿

大帥以其兄守忠襲金將紇石烈真襲擊平陽行營守忠出援  
次高粱師潰入城副帥夾谷常德潛獻門納金兵城遂陷守忠

被執械至汴誘使降守忠罵之語惡金人怒置鐵籠中炙死

按李守賢傳云金大安初守賢暨兄庭植弟守正守忠從兄伯  
通伯溫歸欵于木華黎太祖即命庭植為崇義軍節度使守賢  
為錦州觀察使守忠為都元帥守河東是伯溫與守賢守正皆  
兄弟而本傳云伯溫為守賢之孫毅之子且以守正為伯溫之  
子外諺實其即其年與事  
考之有不待辨而自明者

耶律忒末契丹人父丑哥仕遼為都統遼亡不屈節夫爵



金主憫其忠授忒末爲都統太祖九年金主徙汴忒末以其子  
天祐率衆三萬來歸授帥府監軍從元帥史天倪略趙州平棘  
欒城元氏栢鄉贊皇臨城等縣又從太師木華黎收邢洺磁相  
懷孟諸州有功授洺州元帥引兵臨澤潞降其民六千餘戶進  
河北西路安撫使致仕居真定天祐襲職金降將武仙據真定  
叛殺天倪忒末父子夜踰城出會天倪弟天澤還自北京遇諸  
滿城合諸軍南與賊戰遂復真定朝命以天祐鎮趙州仙復犯  
真定忒末與其妻石抹氏及家孥之在真定者皆陷仙遣其僕  
持書誘天祐曰汝能誅趙州官吏以降當活汝父母不爾盡烹  
之忒末密令其僕語天祐曰仙賊狡猾汝所知也毋以我故墮  
其機穽以虧忠節且忠孝難兩全汝能固守不失國家大計我  
甘刀鋸如飴矣天祐慟哭以賊書示天澤并述父言天澤曰至

陵之事照耀史冊汝能遵父命忠誠許國功不在王陵下天祐  
乃趨還趙壁率衆殊死戰仙怒盡殺其家一十八人及戰仙兵  
屢挫監軍張林密構仙黨啓關納賊天祐倉皇巷戰身被十餘  
創斬關出會天澤兵夾擊殺林加趙州安撫使以傷憊解官卒  
冊曰子之能仕父教之忠死雖慷慨氣自從容機穽寧蹈  
刀鋸如飴一十八人盡節無虧

倭興哥渤海人世農家好武斷鄉井金末避地大寧會蒙古兵  
至出保高州富庶寨射獵以爲食木華黎率兵攻寨寨破奔高  
州及兵圍城下令曰能斬倭興哥首以獻者受上賞民皆獲生  
守者召謂曰汝奇男子吾寧忍遽斷汝首汝其往降乎不則一  
城生靈無噍類矣興哥乃折矢出降諸將怒欲殺之木華黎曰  
壯士也留之爲吾用俾隸麾下從攻通州一夕造巨礮雲梯冬

數十附州賊州將懼乞降以功太祖賜名哈刺拔都魯從略城  
南爲先鋒至大名金將登城督戰興哥射之中左目其部將開  
門南奔追殺殆盡授河東北路兵馬都元帥鎮太原時太原新  
破至則下令軍中凡俘獲人口有親者聽贖無貲者官爲贖民  
得完聚者衆旣引兵援隰州金將乘虛擣太原西門俘獲其妻  
子興哥聞之徑趨西門奪之還時太原諸邑皆平唯石家昂及  
孟州陵井寨忻州清泉寨爲唇齒未下興哥兵將至陵井遣卒  
叩寨門詐曰納糧芻守者弗悟門啓竟入衆驚潰二寨遂平會  
姦人夜獻太原東門於武仙仙引兵入諸將自城外呼曰興哥  
當早出對曰真定史天倪平陽李守忠隰州田雄皆失守矣我  
又棄太原將何面目見主上乎家屬任公等俘吾誓與城同存  
亡遂歿于陣

任志潞州人木華黎略地潞州志首迎降俾充元帥收輯山寨  
每與金兵戰輒勝金擒其長子如山以招之曰降則爾子得生  
不則死志曰我爲大朝之帥豈愛一子親射其子殪之木華黎  
嘗召諸將議事志亦預名道經武安其縣已反志死之其子存  
襲元帥職金將武仙攻潞州存亦戰死詔有司廩給其妻孥仍  
賜第居之世爲潞州長官

梁由膺魯華蒙古克烈氏初以所部從太祖征乃蠻西夏有功  
下金桓州掠監馬萬匹軍勢大振已破遼東西諸州唯東京未  
下獲金使遣往諭之魯華曰東京金舊都備嚴而守固攻之未  
易克以計破之可也請易服與其使偕往說之彼將不疑俟門  
啓繼以大軍則事濟矣卒如其計後徇地河北攻大名中流矢  
卒子撒吉思卜華嗣將父軍金徙都汴立河平軍于新衛以白



固恃爲北門攻之不拔太宗自白坡濟河而南皇子拖雷由峭石灘涉漢而北十華渡自河陰至鄭金主勢窮出奔師遂入據之金主自黃陵岡渡河謀復汴與金將白撒戰于白公廟五日夜俘斬萬計金主竄歸德十華躡其後薄北門而軍左右皆水金將夜砍營人腹背受敵一軍皆陷太宗命大臣料民分封功臣十華妻楊氏自陳曰吾舅及夫皆死國事而賞不及何以爲効忠者勸乃賜新衛民二百戶至寧夏與賊抄兒阿速氏世居汴梁陽武縣從太祖收附諸國有功繼從伐金歿于陣子抄海從征河南山東亦歿于陣子別帖將父軍從皇子忽哥赤西征大理復歿于陣子阿必察至元五年授蒙古千戶從圍襄陽旣渡江奪陽羅堡以功進蒙古軍總管管領左右翼兩萬戶軍旣下廣德從平章阿里海牙征海外諸國鼓戰

船進奪岸口亦卒于軍四世皆以身殉國云

杭忽思阿速氏主阿速國太宗兵至其境率衆降遂命守本國  
尋命選阿速軍千人及其長子阿噲赤扈駕留宿衛遣杭忽思  
還國道遇敵兵戰死敕其妻外麻思領兵守國外麻思躬擐甲  
胄平叛亂以次子按法普嗣國阿噲赤從憲宗征西川軍釣魚  
山屢敗宋兵阿里不哥叛從征至寧夏與叛軍遇率先赴敵矢  
中其腹不懼又從征李璫二十餘戰累功授千戶同噲不台領  
兵南征下五河口沿江諸郡戍鎮巢軍宋降將洪福以計殺之  
世祖憫其死特賜鎮巢降民千五百三十九戶命其子襲職

宋史

新編云洪福本夏貴家僮積勞知鎮巢軍貴既降元遣人招之  
福不聽貴誘執殺之又云元兵南下鎮江降福時陷城中尋以  
計復鎮巢或被陷而復自拔出者耶

按

舊史阿噲赤另有傳事跡皆同係重出

阿散真阿速氏初憲宗以兵圍阿兒斯蘭之城其父名阿爾思

蘭者偕阿散真迎謁軍門帝賜手詔命專領阿速人且留其軍之半餘悉遣還俾鎮本境以阿散真備宿衛道遇闡兒哥叛軍力戰死之帝遣使裹其屍還葬阿爾思蘭請曰臣長子死不能為國宣力有次子捏古來願陛下用之比至帝見其驍悍命從征烏蠻屢建功後從伐宋中流矢亦死于軍

庫祿滿遼人本述律氏後訛為石抹氏祖石抹也先一作石抹阿辛當

大祖時為北京達魯花赤戰死蠡州父查刺兼真定達魯花赤

事詳功庫祿滿早歲襲父職與從弟度刺皆英勇善鬪領舊所

號黑軍者盡勇猛士每戰必居前鋒奔突敵壘為諸軍倡憲宗

時從攻襄樊創立雲梯大呼先登度刺為守陴者所殺庫祿滿

憤不顧身奮長戈衝其堞城遂破中統二年李璫反從攻濟南

主帥素壯其勇令先登飛矢中額如蝟遂死城下按元本第一

百五十卷有

石抹也先傳并載其子查刺而一百五十二卷又  
作石抹阿辛傳音字相訛以致重出今刪去前段

鄭義河間人少以材勇稱性豪俠好結客初事太宗為山東路

都元帥兼景州軍民長官從伐金戰于歸德死焉弟德溫襲從

攻徐州冒刃陷陣而死弟江代畿輔志作子澤江皆有戰功顯於時世祖北征授

武衛親軍都指揮使至元八年從攻襄陽亦歿于陣

札忽帶蒙古人祖孛罕太宗時為鎮西行省領軍狗河中潼關

秦鞏諸城授左翼萬戶從都元帥塔海紺卜出征歿于陣父忽

都襲憲宗南征從畧巴州渡馬湖江破宋兵于老君山下至元

初授蒙古漢軍總管從都元帥百家奴攻宋淮西卒軍中札忽

帶嗣為千戶從取重慶宋守將張珏遣勁旅數千出挑戰札忽

帶力擊破之大軍圍瀘州數月未下軍中糧盡札忽帶倡勇登

城與瀘兵搏戰死



賈萬家奴父札古帶爲河東南北路歸橋阻於兵爲都總管  
戶從西征下興元圍嘉定歿于軍萬家奴入朝世祖授以官  
從攻瀘州大敗宋軍殺傷過半繼攻重慶破朝陽寨圍嘉定  
平康泰和懷遠諸寨分兵戍守時諸將攻瀘州失利乃詣  
自任以攻取之效遂率舟師百五十艘自桃竹灘至折魚灘  
守江南約日進攻先據神臂門爲梯衝登城斬關入遂拔之既  
討平西南彝進副都元帥將四川兵征烏蠻時雲南諸蠻皆叛  
殺掠人民州郡莫能制遂以兵勦其衆至元二十年詔從征緬  
戰死雲南王命其子保童將父軍再征緬入太公城有功襲副  
都元帥後出師至甘州山丹城亦戰死

冊曰英英諸公累世殉國不媿將門忠孝兩得彼有靈  
臨鋒辟易胡不觀斯猶有生色

月里麻思乃馬氏初太宗命與斷事官忽都那同署後同阿魯魯充達魯花赤破南宿州太宗十三年使宋議和從行者七十餘人月里麻思曰吾與汝等奉命南下楚人多詐倘遇變當死毋辱君命及馳抵淮上宋將以兵脅之曰爾命在我生死頃刻間若能降官爵可立致不則必不汝貸月里麻思曰吾持節南來以通國好反誘我以不義有死而已言辭慷慨守者知其不可奪乃囚之長沙飛虎寨三十六年而死世祖深悼之官其子忽都哈思日給糧食其家至元十八年忽都哈思以招討使將兵征日本死于海同時有唐慶者太宗命爲國信使往金令黠帝號稱臣金主不聽慶以語侵之夜小金飛虎卒申虎等入館舍殺慶及其弟山祿興祿并從行者十七人

則曰御命出使貴在不辱慮於未然臨事可復爵不能要

威不能屈方之子卿歷年猶速

楊傑只哥燕京寶坻人世業農小有勇略太祖略地燕趙率族屬來降從攻遼左及定西夏諸部有功太宗元年還攻信安城四面阻水其帥張進久不降傑只哥曰彼恃巨浸我師進不得利退不得歸不若往說之進見其來怒曰吾已斬二使汝不懼死邪傑只哥從容言曰今齊魯燕趙地方數千里郡邑聞風納欵獨君恃此一城內無軍儲外無援兵亡可立待爲君計不如請降可以保富貴而免死亡進默然曰姑待之凡三往乃降師次徐州阻河不得濟傑只哥偵知有賊操舟伏草澤中夜率勁卒憑河擊之奪其舟衆畢渡獲河南諸郡降人三萬餘戶進攻荆襄金將安國用拒戰傑只哥率騎突入陣中截擊大敗之復從河東魯攻歸德虜諸將縛草作筏渡濠抵城下梯城先登拔

之諸軍由是進攻得五州十縣宋兵至已登歸德城傑以哥羅  
戰敗走之率舟師追擊轉戰中流溺死

趙阿哥潘土波鬼烏思藏掇族氏始附宋賜姓趙世居臨洮  
甲諸羌父阿哥昌仕金官熙河節度金亡以衆來歸皇子鵬  
鎮西土奏授疊州安撫卒于官阿哥潘從憲宗伐蜀以破大安

功最授同知臨洮府事斬朝天關乘嘉陵江至閬州攻利州

宋師于潼川擊宋制置使劉雄飛于青居山進逼成都略嘉定

平峩眉太平寨大小五十餘戰皆身先陷陣中統建元還鎮臨

洮歲饑發私廩以賑貧乏給民農種粟二千餘石燕菁子百石

郡當孔道傳置旁午以私馬充驛騎出牛羊千口代民輸賦

聞之詔京兆行省酬其直辭曰豈敢以私惠邀公賞卒不受

軍事赴青居山道爲宋兵所邀不屈死賜諡桓勇



趙匪刺未詳何處人始以父爲爲千戶世祖中統三年守東川  
宋夏貴以兵侵虎嘯山元帥公察遣匪刺率兵往禦貴敗走宋  
劉雄飛以兵犯青居山匪刺與戰于都尉壩敗之從攻大良坪  
宋咎萬壽運糧至渠江之鵝灘匪刺邀奪之宋兵大敗匪刺亦  
被三創矢鏃中左肩不出元帥惜其驍勇取罪囚二人刳其肩  
視骨節淺深知可出卽鑿其創拔鏃出之神色不稍動至元中  
爲東川路先鋒尋兼京兆延安兩路新軍戍東安虎嘯山兩城  
宋楊立以兵護糧至匪刺率所部兵戰于三重山立敗走棄糧  
千餘石盡收其甲仗旗幟而還從攻釣魚山之沙市匪刺乘夜  
蟻附而登殺守兵燒其積聚又擊敗宋將張珏兵于武勝軍旣  
率舟師圍重慶宋將趙安勅兵出戰匪刺迎擊夜二鼓敵衆大  
潰行院上其功未報而疾作乃遣往瀘州治疾瀘州復叛匪刺

輿疾出戰爲所獲與從者二十人皆死之

伯八兒合丹氏祖父從太祖征伐皆有功世祖卽位以伯八兒爲舊臣子擢萬戶命領諸部軍屯守欠欠州至元十二年親王昔里吉脫鐵木兒叛奔海都伯八兒以聞且願提兵往討未幾命爲彼所襲死焉脫鐵木兒取其二子八刺不蘭奚分置左右居歲餘八刺陰結其近侍圖復仇謀泄南奔追執之詰曰我過汝厚甚顧汝反爲逆邪八刺曰汝背叛君上害我父掠我親屬我誓欲殺汝以報君父仇今力窮被執從汝所爲不稍屈以鐵槌碎其膝終不跪與弟不蘭奚同被害

鞏彥暉易州人與兄彥榮俱以武勇稱初彥榮以百夫長隸于戶何伯祥麾下累有戰功後請以彥暉代伯祥奉命南征軍從被棗陽光州繼拔滁壽二城已攻泗州諸將夜集城下

塹水所阻黎明無敢渡者兩軍交鋒如雨彥暉披重甲徑渡  
隨之至晡得其外城尋登其月城彥暉將下顧伯祥失所在  
反求之敵追襲彥暉力戰翼以出三次武昌宋援兵四集有舟  
數十來挑戰彥暉逐之入湖中伏被圍數匝左右莫能近彥  
暉矢盡身被重傷度不免遂投水敵援之出載詣江州見宋  
官不屈問以事不對竟死

合刺普華回鶻人伯父爲其國相歸太祖父岳璘帖木爾多  
戰功授河南軍民都達魯花赤所得上方賞賚悉輦歸故郡散  
親友且盛陳漢官儀衛以激厲之國人多相率來附合刺普華  
幼侍母奧敦氏居益都嘗嘆曰幼而不學有不墮吾宗者乎父  
聞而奇之俾習經史記誦精敏世祖中統二年李璫叛其母攜  
季子脫烈普華避地登萊間音問隔絕號泣徹晝夜繼從叔父

撒吉思平賊卒奉其母歸撒吉思深器重之言於世祖名給宿  
衛嘗以事至益都於四脚山下置廣興商山二冶以勞授商山  
鐵冶都提舉未及代以職讓其弟時大兵南伐魏運繁興被選  
爲行都漕運使江南平上疏言稅宗室禮大臣以存國家之體  
興學校獎名節以勵天下之士正名分嚴考課以定百官之法  
通泉幣卻貢獻以厚生民之本又言江南新附宜招舊族力稽  
通商弛征薄入以撫馴其民不則恐上煩宵旰之慮帝多采用  
其言時阿合馬專政以漕糧漂溺虧耗責償舟人合刺普華伏  
闕抗言量之奇贏出於元降而水道之虞非人力所及料且彼  
雖罄家不足償苟朝廷必不在其虧損臣請獨當其辜詔勿治阿  
合馬術竈出爲寧海路達魯花赤歷改廣東都轉運鹽使劇賊  
歐南喜僭僞號聚衆至十萬人合刺普華與宣慰使白佐分兵搃



之未幾右丞峻都督兵征交趾屬  
歐賊橫絕石灣鋒銳甚合刺普華且戰且行矢竭馬創徒步  
鬪爲所執賊欲奉爲主不屈遂遇害贈戶部尙書諡忠愍軍中  
往往見其乘騅督戰云孫俛哲篤第進士官吏部尙書以文學  
政事稱於時語見呂思誠傳

綦公直益都樂安人世業農至元九年爲沂莒膠密寧海五州  
都城池所千戶督造征日本戰船于高麗時宋未下世祖知其  
勇遣使召見俾領兵同行荆南招討司事抵峽州青草灘霖雨  
不進還屯玉泉山率兵三千攻安進下寨破之及襄陽下命鎮  
鄧州光化唐州漢軍及郢復熟券軍九千人從諸軍南伐至江  
西宋軍突出逆戰公直敗之追抵城下遂踰濠焚其樓櫓隆興  
降已令第三子忙古台攻梅關破淮德山寨入廣東至南海皆

下時伯延伯答罕禿忽魯叛于西夏公直率軍討平之累授萬戶將屯肅州兵移鎮別失八里之地諸王海都叛侵別失八里公直進戰洪水山敗之追擊漸遠援兵不至第五子瑗力戰死公直與妻及忙古台俱陷於敵

冊曰臨陣爭雄死生呼吸礮飛矢流欲避不及懦夫貪生士卒喪氣奮勇陷敵寧非節士

劉天孚字裕民大名人由中書譯史歷知許州許屬襄城與葉縣接壤其南爲淇河襄民食滄鹽葉民食解鹽刻石河南岸爲界葉令有貪者陰徙石於北二里誣其民食私鹽逮治百餘家兩縣鬪辨不已天孚爲考其原界移石故處而葉令被罪去歲旱蝗天孚令民出捕俄羣烏來啄蝗爲盡及秋麥熟時有青蟲如蠶食麥民相視愁歎忽生大華蟲盡嚼之許人立碑頌其

仁宗延祐中遷知河中府視事甫兩月會周王和世琜出鎮雲南道經陝西行省丞相阿思罕意不平謀舉兵向闕先入河中坐府治方號令諸軍天孚佩刀直前衆遏之不得進顧謂幕僚曰吾家本微賤荷朝命至此今不幸遭大變何忍從逆而負上恩哉且與其辱於逆賊之手吾寧蹈河以死遂拂衣出時天寒河水方堅天孚拔所佩刀斫冰開北望再拜已脫衣帽岸許竟投水中死追贈彭城郡侯諡忠毅

蕭景茂漳州龍溪人性孝友家貧力農以謹厚信於鄉里後至元四年南勝縣民李志甫作亂掠龍溪景茂與兄佑集鄉丁拒之據觀音山橋險與賊戰敗被執賊使拜曰汝賊也何拜欲脅之降曰國家何負汝而反汝族汝里何負汝而坐累之我生爲大元民死作隔州鬼豈從汝爲逆者

隔州其所居里也

賊相語曰官軍

將吏至我寨皆慙靡求生未有若此倔强者留之祇取辱耳遂  
縛於樹斃其肉使自啖景茂且嚼且罵賊以刀決其口至耳旁  
尚罵不絕聲而死朝命褒之仍給錢以葬

冊曰人生天地數豈能逃三日寒疾死等鴻毛視彼俠列

秦昏爭高慷慨赴義萬古為昭

周鏜字以聲瀏陽州人篤學通春秋登泰定四年進士官大冶

縣尹抑豪強惠乳獨鏜狀若厓儒而毅然有威不可犯會修功

汪列傳擢國史院編修官出為四川儒學提舉既道還家至正

十一年羅甲徐壽輝盜起號紅巾攻陷蕪黃諸郡瀏陽無城守

盜至兵皆驚竄鏜告其兄弟使遠避自謂我受國恩脫不幸在

死母和系也賊至得鏜欲推為主鏜雖鏜曰厲聲大罵賊知不

可屠殺之 周州謝一魯字至道鄉貢士為石林書院山長



陷潭州王魯奉母走匿若之國言其復部邑亡者相歸  
故業俄而賊復至生縛之一魯罵賊甚厲舉家皆遇害  
聶炳字韞夫江夏人元統元年進士授同知平昌州事至正  
二年遷知荊門州纔半歲紅巾賊至荊門不守炳出募土兵  
衆七萬復其城又與四川平章咬住恢復江陵縣旣而賊勢  
振僞將俞君正合兵來攻炳率孤軍晝夜血戰援絕城陷被  
極口罵不絕人以刀抉其齒盡乃支解之時有明安達爾家  
士元唐兀氏炳同年進士也爲潛江縣達魯花赤賊至率勇  
拒之立營蘆泖比城陷鬪死舉家殲焉

俞述祖字紹芳慶元象山人由翰林書寫授國史院編修出  
馮陽府推官至正十二年斬黃賊丁普郎陷武昌進攻馮述  
領民兵守綠水洪并力捍禦相持十餘日力不支爲賊所執

至僞主徐壽輝所誘之降子為五歲亦被縛曰不降將殺是述  
祖厲聲曰我躬不閱遑卹我後何不速殺是賊殺其子述祖  
罵不已遂支解之追贈象山縣男錄其從子為後  
丑闇字時中蒙古氏登元統元年進士第累官京畿漕運副使  
出知安陸府至正十二年徐壽輝僞將魯法興犯安陸時丑屬  
募兵得數百人帥以拒賊敗賊前隊乘勝追之賊自他門入亟  
還兵城中火起軍民潰計不可遏乃歸服朝服出坐公堂賊至  
排之下使拜不屈且怒罵賊首不忍害拘之明日又逼其從  
丑闇疾呼曰吾守土臣寧從汝賊賊怒以刀斫其左脇斷而  
復取布囊盛其屍昇置其家妻侯氏出大哭且列酒肉滿前  
者令飲饑者令食以綰賊使不防已至夜自經事聞贈丑  
用行省參政侯氏寧夏郡夫人表其門曰雙節 有馮三者

廣省役卒也素不知書省署遭寇陷皂隸輩悉起剽殺為盜  
三同行辭曰賊名惡我等豈可為眾強之終弗聽怒將殺之三  
遂唾罵賊乃縛諸木昇以行而刳其肉三益罵不止抵江上斷  
其喉委去其妻隨三號泣俯拾割肉納布裙中伺賊遠收其血  
骸脫衣裹之投江死

闕文興建康人嘗從軍漳州為招討司知事漳州陳吊眼盜起  
有眾數萬連營五十餘寨元帥完者都遣文興討之賊乘高據  
險人莫敢進文興藝薪焚其營多斬獲賊走入畚洞已擁眾攻  
漳州文興竭力捍城身經數十戰死于陣妻王氏被掠義不受  
辱乃給賊曰俟吾葬夫後即汝從也賊許之得脫負屍還積薪  
焚之火既熾氏自投火中死元統二年封文興為英毅侯王氏

為貞烈夫人廟號雙節

列女傳載王氏作王醜醜

冊曰臣死爲國妻死爲夫綱常已在聖賢之徒匹休合節  
同心共孚出於巾幗尤足立懦

野峻台

一作趙野  
字峻台

雍古部人中書右丞趙世延子也由西臺御

史轉黃州路總管湖廣旣陷朝廷察其材擢四川叅政命與平  
章咬住同討賊使主軍五千人乃分銳卒八百使將之爲前驅  
次克巴東時歸峽等州皆爲賊守野峻台破賊江上斬溺無算  
已而歸峽平進拔枝江松滋乘勝趨江陵賊出陣清永門鏖戰  
至夕賊方退乃據其門埃援軍至黎明賊出戰三時頃咬住軍  
正百步外不救賊飛槍刺之死追封涼國公諡忠壯

李羅帖木兒字國賓高昌人由宿衛補官選爲襄陽路達魯花  
赤至正十一年汝穎盜起鄖縣人田端子等亦聚衆殺官吏

羅縣民兵捕斬之十五年徐壽輝兵陷襄陽李羅領義兵



人且戰且引前赴沔陽乞師得五千人乃趣還襄陽賊方駐楊湖港乘其不虞擊之獲船二十七艘進次潛江兵未食而賊大至與戰抵暮被重創急麾兒子馬哈失力使去曰吾以死報國汝無留此兒子泣曰願以死從既而孛羅被執罵賊遇害馬哈失力帥家奴求其尸復與賊戰歿于陣舉家死者二十六人

北庭人官山南道廉訪使治中興地爲江漢藩屏每按臨所部威惠翕然至正十二年斬賊犯中興卜理牙敦引挽強士禦之射賊多死賊稍却明日復擁衆來襲東門力戰被執不屈死又明日賊且奄至前中興判官上都統兵出擊之旣而東門失守倉皇反鬪力屈亦被執誘使降上都大罵賊怒剗其腹而剖其肉

星吉字吉甫河西人少給事仁宗潛邸以精敏稱英宗至治初

授中尙監改右侍儀使累遷南臺御史大夫時承平日久內外  
玩愒星吉獨持風裁湖東僉事三寶住儒者也性廉介所至搏  
貪猾御史有以私請者每拒不納因誣以事劾之章至星吉怒  
曰若人之廉孰不知之乃敢爲是言邪卽奏杖御史而白其誣  
執政者惡之移湖廣平章威順王歲出獵病民又起廣樂園多  
萃巨賈網大利星吉至謁王王啟左扉召之入星吉引繩牀坐  
王中門大言曰吾受天子命來作牧非王私臣安得由不正之  
道入闈者懼入告王王命啟中門旣入責王曰王帝室之懿古  
所謂伯父叔父者也今德音不聞而騁獵宣淫賈怨於下恐非  
所以自貽多福也王急握手謝紅巾盜起會僚屬計事或曰有  
鄭萬戶老將也宜起用之星吉乃命募士兵完城池修器械悉  
以其事屬鄭賊遣其黨二千來約降星吉與鄭謀曰此詐也然

卻降不可宜審而受之及期果得其情盡殲焉械渠魁數十人  
以俟命俄有旨名爲大司農同僚受賊賂止嫉其功因誣鄭罪  
而釋其所械者明日賊大至內外響應武昌遂陷時至正十二  
年正月也星吉旣入見具陳賊始末狀帝大喜時宰不悅奏爲  
江西平章令守江州時江州已陷賊將趙普勝據池陽太平間  
官軍止三百人賊號十萬衆皆欲走星吉曰畏賊而逃非勇也  
坐而待攻非智也汝等皆有妻子財物縱逃其可免乎乃貸富  
人錢募兵衆爭赴一日得三千人具舟直趨銅陵克之進攻白  
馬灣賊大敗分兵躡之抵白溜奪船六百艘軍聲大振遂復池  
州命諸將分道討賊復石埭進據清水灣伺者告賊艦至自上  
流順風舉帆衆且數十倍諸將失色星吉曰無傷也風勢盛彼  
倉猝必不得泊但伏橫港中偃旗以待俟過而擊之無不克矣

風怒水駛賊奄忽過乃舉旗張帆鼓譟薄其舟風反爲我用又大破之時賊久圍安慶聞信遽燒營去遂由湖口克江州留兵守之命王惟恭柵小孤山星吉自據鄱陽口綴江湖要衝圖恢復時湖廣已陷江西被圍淮浙亦多故卒無繼援者日久糧益乏士卒咸困或曰東南完實盍因糧以圖存星吉曰吾受命守江西必死於此衆莫敢復言有頃賊乘大艦四集取兼葦編大筏塞上下流縱火焚營軍力且盡星吉從子伯不華與親兵數十人死焉星吉猶堅坐不動忽流矢中其要害昏仆地賊素聞其名昇至密室至旦始蕪賊羅拜饋食星吉斥之七日不復食仍自力而起北面再拜曰臣力竭矣遂絕時年五十七追卹之典無闕焉

冊曰市人驅散溲以義氣出奇制勝強敵爲避封疆之臣



寧可擇地孤軍四應援師無繼大節巍然卹典曷替

潮海扎刺台氏由國子生爲靖安縣達魯花赤至正十二年蕪黃賊起與縣尹黃紹同集義兵爲守禦計未幾賊兵數萬由武寧來攻紹赴行省求援道梗不得達潮海獨率衆與賊戰于象湖大破之乃起進士胡斗元共謀畫而以勇士黃雲爲前鋒拒守八閱月戰屢勝無何賊鋒益熾雲戰死潮海被圍尋爲賊所執殺于富州子民安圖襲父職屢帥衆敗賊復縣治踰年賊復至迎戰力竭賊執而副之紹字仲先臨川人至正八年進士以求援出遇官軍護之入洪都時洪都亦被圍及圍解乃還與民安圖招諭叛境過建昌之高坪遇賊正衣冠怒罵遂爲所害斗元字元浩靖安人領鄉薦第一署鰲溪書院山長賊至斗元以鄉兵擊敗之入縣治與潮海共圖戰守及被執賊脅使降

弗屈乃以土埋其腰不死縛置暗室中斗元什牆以出逃入深山狂病而卒 黃雲撫州人素勇敢每接戰獨以身當敵嘗爲數十人所圍能奮身躍出至是身中數十鎗噴血死

李黼字子威潁州人父工部尙書守中性卞急遇諸子過嚴每一飲酒輒半月醉不解黼百計承順求寧親心不可得嘗跪而自訟無幾微厭怠意初補國學生泰定四年賜進士第一授翰林修撰歷監察御史首言禴祀烝嘗古今大祭今太廟唯二祭而日享佛祀神非禮宜據經行之成均教化之基不當隸集賢宜聽省臣兼領諸侯王歲賜有定額分封易代之際世系戚疏無成書可攷宜倣先代修正玉牒皆不報命巡視河渠上言曰蔡河源出京西宋以轉輸之故平地作堤今河底填淤高出地而秋霖一至橫潰爲災宜按故迹修浚他日東河或有不測之

阻江淮運物當由此分道達京師萬世之利也亦不報至正十  
年出爲江州路總管明年紅巾盜起北據徐蔡南陷斬黃焚掠  
數千里九江居下流實江東西襟喉地黼治城濠修器械募丁  
壯分守要害且上攻守之策於行省請兵屯江北以扼賊衝不  
報黼嘆曰吾不知死所矣十二年春徐壽輝兵渡江陷武昌威  
順王及省臣相繼遁賊乘勝破瑞昌左丞孛羅帖木兒方治軍  
江上聞之亦遁黼孤立辭氣愈奮厲時黃梅主簿也孫帖木兒  
願出擊賊黼大喜向天瀝酒與誓賊遊兵俄至境急檄諸鄉落  
聚木石於險塞遏其歸路倉卒無號乃墨士卒面統之出戰黼  
身先大呼陷陣也孫帖木兒繼進賊大敗逐北二十里還謂其  
下曰賊不利於陸必由水攻苟失備吾屬無噍類矣乃設七星  
樁以長木數千冒鐵椎於杪暗植沿岸水中逆刺賊舟會西南

風急賊舟數千果揚帆順流至遇椿不得動為黼火翎箭所射  
焚溺無算已而賊勢轉盛西自荆湖東際淮甸諸守臣往往棄  
城走黼提孱旅中外援絕賊將薄城黼方引兵登陴布戰具賊  
至焚西門乃張弩箭射之賊轉攻東門黼趨東門賊已入與巷  
戰知力不敵揮劍叱賊曰殺我母殺百姓賊自項背來刺黼墜  
馬與從子秉昭俱死郡民相率具棺葬于東門外兄冕居頴上  
亦死于賊秉昭冕季子也事聞封黼隴西郡公諡文忠諡立廟  
江州賜額崇烈官其子秉方集賢待制綴耕錄云初武昌陷時  
黼謂子秉方曰我國之  
守臣當死此土汝可奉母往下江依伯父以存吾後秉方曰父  
死國子死父有何不可黼怒曰汝不遵命是不孝也秉昭亦勸  
其兄曰若不去則叔父無後不孝莫大於是某當與叔  
父同死生矣秉方不獲已買舟奉母行去不半月黼死

冊曰瓦解土崩羣然泄泄良策瘋思視為迂計忠雖格天

手難挽運氣作山河奎光長亘



魏中立字伯時濟南人由國子伴讀歷官西臺御史中丞遷守  
饒州紅巾賊倪文俊既陷湖廣分兵攻掠州郡所在無賴子多  
乘間竊發不旬日衆輒數萬皆短衣草屨齒木為杷削竹為槍  
截緋帛為巾襦彌野皆赤中立聞警卽率丁壯分塞險要以義  
兵擊卻之已而賊復合遂為所執以紅衣披其身中立叱之鬚  
髯盡張賊載歸斬水欲屈其從已中立大罵不已遂見殺賊自  
饒趨信州總管于大本以土兵禦賊賊破東門入執大本至蘄  
水獻俘文俊釋其縛界偽印一紐大本擲印地上亦同遇害  
大本字德中密州人由儒學教諭入官

秦不華字兼善伯岳吾氏初名達普化文宗賜以今名世居白

野山

書史會要  
云號白野

父塔不台仕台州錄事判官遂居台家貧好讀

書能記問集賢待制周仁榮養而教之年十七舉江浙鄉試第

一明年賜進士及第授修撰轉南臺御史時御史大夫脫歡怙  
勢貪暴泰不華劾罷之順帝卽位加文宗后爲太皇太后大臣  
燕鐵木兒伯顏皆胙地分王泰不華率同列上章言嬪母不宜  
加徽稱相臣不當受王土太后怒欲殺言者泰不華語衆曰此  
事自我發之甘受誅戮不以累諸公也至正元年除紹興路總  
管革吏弊除沒官牛租令民自實田以均賦役行鄉飲酒禮教  
民興讓越俗大化尋召入史館預修宋遼金三史書成遷吏部  
尙書黃河決奉詔以珪玉白馬致祭河神竣事還上言淮安以  
東河入海處宜倣宋置撩清夫用輓江龍鐵掃撼蕩沙泥隨潮  
入海朝廷從其言嗣以用夫屯田其中廢八年台州方國珍  
依河爲亂劫掠漕運糧執江浙參政朶兒只班迫之上招降狀  
請援以官不宥赴勢益橫詔泰不華往察實連上剿捕之策

不聽尋除江東廉訪使明年國珍復入海焚掠沿海州郡十一年二月詔孛羅帖木兒爲江浙左丞總兵慶元以泰不華稔知賊情狀遷浙東道宣慰使都元帥分兵駐溫州使夾擊未幾國珍寇溫州泰不華縱火筏焚之宵遁旣而孛羅密約合兵進討乃先期至大開洋國珍夜率勁卒鼓譟入官軍不戰皆潰孛羅被執反爲國珍飾辭上請朝廷弗知也復遣大司農達識帖睦迺至黃巖招之國珍兄弟皆登岸羅拜退止民舍泰不華欲命壯士乘夜襲殺之達識帖睦迺曰我受詔招降公敢擅命邪事乃止時朝廷方征徐州命江浙省臣募舟師北守大江國珍懷疑復入海泰不華發兵扼黃巖之澄江遣義士王大用往約信仍使來降國珍拘留不遣以小舸二百突入海門州港犯馬鞍諸山泰不華語衆曰吾以書生登顯要誠慮負所學今守海隅

賊甫就招又復爲變君輩助我奮擊其克則汝衆功也不克則  
我盡死以報國衆踴躍願行時國珍遣所親陳仲達往復陳其  
欲降狀泰不華遽率衆具舟張受降旗乘潮而前船觸沙不得  
行垂與國珍遇呼仲達申前約仲達目動氣索泰不華覺其心  
異手斬之卽前搏賊船射死五人賊躍入船復斫死二人賊舉  
槳來刺輒斫折之俄賊羣至欲抱持過船泰不華瞋目叱之脫  
起奪其刀又殺二人賊攢槳刺之中頸死猶直立不仆投其屍  
海中年僅四十九僮名抱琴及臨海尉李輔德千戶赤蓋義士  
張君璧從死焉追封魏國公謚忠介立廟台州賜額崇節泰不  
華尚氣節不隨俗浮沉太平被劾去相位獨餞送都門外太平  
曰公且止勿以我累公答曰士爲知己死寧畏旤邪善衆隸溫  
潤道勁嘗重類復古編十卷攷正訛字於經史多有據云



樊執敬字時中濟寧聊城人性警敏好學由國子生擢授經郎  
嘗見帝師不拜曰吾孔氏之徒知尊孔氏而已何拜異教爲歷  
官江浙參政至正十二年督海運抵平江十日將發官大宴犒  
於海口俄有客船自外至驗其券信令入而不虞其爲寇也既  
入港卽縱火鼓譟時變起倉猝軍民擾亂賊竟焚舟劫糧去執  
敬自咎失防心抑鬱不解及還省會徐壽輝遣僞將項普畧自  
饒信入昱嶺關犯杭州時執敬已被命討賊海上至是事急不  
得去掾史蘓友龍進曰城內空虛無備將奈何執敬曰吾淬厲  
戈矛當殲賊以報國不濟則以死繼之何畏哉俄報賊奄至遽  
上馬率衆出中塗與賊遇射死四人賊逐之又射死三人已而  
賊來轉盛且縱火衆皆潰賊知其無援呼執敬降執敬叱曰逆  
賊守關吏不謹汝得至此恨不碎汝首何爲降邪乃奮刀斫賊

因中槍而墮從僕田也先馳救亦中槍死追封魯國公輟耕錄云至正

于辰秋七月十日紅巾自徽犯杭時執敬守宿衛于省有報已入北關門省吏次第亡去執敬獨披甲上馬率宿衛兵急出救

從者止之執敬曰吾封疆之臣不守而去是以私利廢臣道行至清河坊遇他走將又以兵孤且散控其馬首返執敬怒引佩

刀斫其入曰城不守何適遂躍馬逆戰以死死之所則城北天水橋也

桂完澤永嘉人名賢錄及温州志俱作季姓字坦之幼習蒙古字落魄江湖間嘗為平江路管

軍鎮撫為讐家所訴免官會賊攻昱嶺開行省遂假前官令從

征完澤勇於討賊凡再戰關下皆大勝尋又與賊鬪轉戰數里

深入重圍為所執其妻弟金德亦被擒皆反縛於樹臨以白刃

脅之降德意猶未決完澤呼曰大丈夫死即死耳不可為不義

德曰此言是也因大罵賊怒剖二人腸而死

王簡史稱王伯顏今從志字伯敬濱州霑化人以材薦由烏程縣尹遷

福寧州至正十二年轉福建鹽運同知紅巾賊起江淮由撫

入閩憲府以時方俶擾仍留領州事未幾賊自邵武間道逼禮  
寧乃與監州阿撒都刺募丁壯五萬分扼險要賊至楊梅嶺立  
柵簡與仲子相馳破之賊帥王善擁衆直壓州西門胥隸皆解  
散麾下唯白挺市兒數百人簡射賊不反顧俄馬中流矢馬蹶  
遂見執善曰聞公有惠政欲屈再尹此州簡訶之曰我天子命  
官不幸失守義當死肯從汝反乎善怒叱左右搯以跪弗屈羣  
毆之簡嚼舌以血噴善曰反賊殺卽殺何以毆爲吾民天民也  
不可害官軍旦暮且至百萬之師雷擊電掃汝輩小醜將無遺  
種顧敢爾邪有頃賊執阿撒都刺至善厲聲責其拒鬪噤不能  
對簡復唾善曰我殺賊何言拒邪我死當爲神以殺汝言訖挺  
頸受刃頸斷無血惟涌白沫如乳暴屍數日色不變輟耕錄云  
時年已七  
十賊并殺阿撒都刺欲釋相官之相詈曰吾與汝不共戴天恨

不寸斬汝肯受汝官邪賊殺之妻潘氏孳二女逃民間聞變恐

被辱母子同縊死簡既歿賊時覩其引兵出入有州僧林德誠

者奮義討賊望空嘯曰王州尹宜率陰兵助我賊遙見四面皆

怒衣軍大懼走福寧遂平事聞追封太原郡侯名賢錄云長子

屍藁葬烏程朝命以植襲父爵除紹興總管張士誠陷城植亦

不屈死闕志云陳陽盈字子謙為泉州府稅課使賊攻福寧

用知州王簡檄陽盈抗義誓賊同見殺  
冊曰命官跪賊紛紛而是何獨斯人死不屈志一腔熱血

已竭生前惟餘白沫為虹貫天

陳君用字子材延平人少負氣勇猛過人紅巾賊入閩閩闔授

君用南平縣尹給錢五萬緡俾募兵君用散家財繼之導官軍

復建陽浦城授同知建寧路事亡何賊圍福州君用率兵往援

次賊眾遂引兵踰北嶺至連江阻水而陣君用曰今日不盡



殺賊吾不復生還乃率壯士徒涉斬殺賊稍潰旣而復合君用  
大呼陷陣中槍死追封潁川郡侯諡忠毅

彭庭堅字允誠溫州瑞安人至正四年進士授同知沂州事毀  
牛皇神祠驅鄰境上馬賊免民橫急徵歛州人甚德之俄以平  
反獄囚忤上官意遂解歸十年詔選守令起崇安縣尹屢平閩  
境賊遷同知建寧路事江西寇熾庭堅率民兵克復建陽又進  
兵浦城設雲梯火礮晝夜急攻賊遁去尋拜福建道宣慰司副  
都元帥鎮邵武十四年盜侵政和松溪南臺中丞吳鐸督軍建  
寧檄庭堅至時鎮撫萬戶岳煥隸麾下煥素悍縱卒爲暴庭堅  
欲繩以法煥懼使部卒乘其不備詐爲賊兵突入鋒旣交衆皆  
散走庭堅獨留不去遂遇害崇安民立祠像歲時祭禱數降靈  
響旁邑立祠亦如之南臺御史余觀行部至獲賊斬之上聞追

封忠愍侯仍表其墓廟  
劉濬字濟川其先興州人曾祖海金進士第一仕至河南府尹  
死國難子孫遂家河南濬由廉訪司書吏授連江縣寧善鄉巡  
檢至正十三年蘄州賊帥王善寇閩官軍守羅源拒之羅源與  
連江接壤勢將迫濬妻真定史氏故相家女也有才識謂濬曰  
事急矣盡出奩中物募壯士百餘人命仲子健將之浹旬間衆  
至盈萬賊尋破羅源分道攻福州濬拒之辰山三戰三捷俄聞  
福州陷衆驚潰濬獨率健兵進遇賊于中麻突其陣斬前鋒五  
人賊大至濬中箭墮馬健下馬掖父俱被獲濬忿戟手大罵賊  
縛之階下先礮一指罵益厲再斫一指亦如之指且盡斫兩腕  
次及兩足濬色不少變遂割其喉舌死健亦以死拒賊善義之  
獲歛父屍瘞焉健歸請兵帥府以復讐弗聽乃散家貲結死士

百人詐爲工商流丐入賊中夜半發火大譟賊驚擾自相屠戮  
健手刃其殺父者并擒善獻帥府磔之事聞授健古田縣尹爲  
瘞立祠福州北門外有司歲時致祭

汪澤民字叔志婺源州人宋端明殿學士藻七世孫也家貧力  
學通諸經成延祐五年進士歷南安信州平江三路推官僧淨  
廣與他僧有憾久絕往來一日邀廣飲廣弟子急欲得師財潛  
在殺之訴於官他僧不勝考掠遂誣服澤民視其刃上有鐵工  
姓名名工問之乃其弟子刀也一訊吐實人驚以爲神至正三  
年除國子司業預修三史書成遷集賢直學士未兩月移書告  
老大學士曰集賢翰林實養老尊賢之地願少留以副上意澤  
民曰以布衣叨榮三品志願足矣遂以禮部尚書致仕旣歸與  
門生故人相往迓超然若忘世者

環谷集云時與汪克寬輩游  
舉徵祥符諸寺賦詩爲樂

十五年斬黃賊犯宣州廉訪使道童雅重澤民日就之詢守禦  
計城得無虞明年長鎗軍瑣南班等叛來寇城或勸之去澤民  
慨然曰我雖無官守顧受國厚恩臨危愛死非臣子節留宣州  
籌畫戰守累敗賊兵旣而寇益衆城陷爲所執遂遇害時年七  
十追封譙郡公諡文節

劉畊孫字存吾茶陵州人文宗至順元年進士授臨武縣尹縣  
近蠻獠畊孫至召父老告之曰吾儒士也今爲汝邑尹爾父老  
當體吾意訓子弟以孝弟力田暇則事詩書勿自棄以干吾政  
乃爲建學校求民間俊秀教之設俎豆習禮讓暮年文化大興  
是建德徽州瑤州三路推官所至詳讞疑獄清政卓然可紀至  
正十二年斬黃賊被湖南畊孫領家貲募義丁以援鄉里賊至  
輒却故茶陵久不失守十五年轉寧國路推官歲饑勸富民出



葉賡之活人以萬計長鎗軍瑣南等攻寧國晁孫分守城西

南日署府事夜率兵乘城固守賊引眾緣堞而上城陷力戰遇

害弟燾孫字養吾以國學生下第授常寧州學正湖南陷長吏

棄城走民奉州印請燾孫為主城燾以完者一年外援既絕死

之長子碩為江夏縣魯湖大使起義兵援茶陵亦死 劉與孫

者燾孫弟也官南豐州同知值寇亂仗節死于臺城見楚紀

褚不華字君實隰州石樓人泰定初補中瑞司譯史歷僉河西

廉訪司事未幾移淮東紅巾賊蔓延兩淮勢張甚褚不華行郡

至淮安極力為守禦計賊至多所斬獲且請知樞密院老章以

判官劉甲守韓信城相犄角復上章勿總帥逗撓狀朝廷錄其

功擢廉訪使甲有智勇與賊戰輒勝賊憚之不華頗焉總兵

者聞其効已益恚嫉乃檄甲別將兵擊手賊巢以困不華甲甫去

韓信城陷賊乃掘堙相銜捷水寨以圍淮安不華知事危退入  
 城時城三面皆賊惟北門通沔陽倚其芻餉而赤鯉湖被賊據  
 沔陽大路又絕食且盡攻圍日益急總兵者屯下邳按兵不出  
 遣使十輩告急皆不應城中餓者什道上即爭取啖凡草木螺  
 蛤魚蛙燕鳥及靴皮鞍韉革箱敗弓之筋皆食盡父子夫婦老  
 稚更相食撤屋為薪人多露處坊陌生荆棘力窮城陷不華猶  
 據西門力鬪中傷見執為賊所縛次子仲哥冒刃抱父屍亦見  
 殺時至正十六年十月乙丑也不華守淮安五年身經數百戰  
 精忠大節人比之張巡云追封衛國公諡忠肅

冊曰將不能戰惟逞私怨存亡之私以睢盱以困隨竭膏枯  
 捍禦無倦苟非精忠人何以勸

元字堯佐恩州人泰定四年進士由  
 掾判官遷知磁州

時軍興日繁士元惟惜民力雖被將士訶責顧也尋調知濬

州州濱黃河雉堞不完正十七年賊迫城守兵悉潰散士元

坐堂上顧其子致微使曰吾守臣居此職也若可逃生子侍

立不忍去賊前問曰爾誰叱曰我王知州也強賊識我否賊

欲縛之士元奮拳毆賊怒并其子見殺

卞琛大名人家世力農游學京師補國子生既而丁母憂仍

服農於家至正中鄰郡起剽掠至其境琛與從子小十府史

李仲亨等協謀統丁壯數百人出擊民兵無弓矢直以鉤鉏白

梃當賊賊矢雨集琛衆俱散被擒小十仲亨皆死賊素知琛名

謂曰從我解汝縛不從叔汝琛唾曰我國子生也視汝輩真狗

彘耳吾寧義死不從逆生遂見殺

續弘簡錄卷三十七終